



09102

碑傳集

第二十七冊  
乾隆朝督撫

嘉慶朝督撫

卷七十二  
之七十四



碑傳集卷七十二目錄

乾隆朝督撫下之上

太子太保直隸總督方恪敏公觀承神道碑

袁枚



姚鼐

太子太保光祿大夫兵部尚書都察院右都御史總督漕運楊勤愨公

錫紱神道碑

魯仕驥

又漕運總督諡勤愨楊公傳

彭啟豐

資政大夫兵部侍郎兼都察院右副都御史雲南巡撫李公瀚墓誌銘

賈光卿

都察院左副都御史提督山東學政黃公登賢墓誌銘

盧文弨

直隸總督楊公景素別傳

焦循

貴州巡撫顏公希深傳

廣東通志

直隸總督鄭勤恪公大進傳

廣東通志

碑傳七十二目



山隸總督魏世淵公大猷傳

貴州巡撫趙公景素別傳

直隸總督楊公景素別傳

貴州巡撫顏公希深傳

直隸總督鄭勤恪公大進傳

資政大夫兵部侍郎兼都察院右副都御史雲南巡撫李公瀚墓誌銘

太子太保直隸總督方恪敏公觀承神道碑

太子太保光祿大夫兵部尚書都察院右都御史總督漕運楊勤愨公

太子太保直隸總督魏世淵公大猷傳

太子太保直隸總督楊公景素別傳

太子太保直隸總督顏公希深傳

太子太保直隸總督鄭勤恪公大進傳

乾隆朝督撫下之上

太子太保直隸總督方恪敏公觀承神道碑袁枚

公姓方諱觀承字遐穀號問亭又號宜田先世自元遷桐城祖登嶧工部都水司主事父式濟康熙己丑進士以本族南山集獄起全家謫戍黑龍江公弱冠歸金陵家無一椽借居清涼山僧舍中州僧知為非常人厚待之公與其兄觀永往來南北營塞外菽水之費或日一食或徒步行百餘里雍正九年族人某薦入平郡王藩邸王與語大奇之情好日隆十年王為定邊大將軍征準噶爾奏公為記室

世宗命以布衣召見賜中書銜往時年三十六矣十二年冬王師凱旋以軍功實授內閣中書乾隆元年詹事王公奕清薦公博學鴻詞臨試不赴尋遷侍讀行走軍機房補兵部職方司郎中出為直隸清河道累遷布政使浙江巡撫公風神元定識力超卓練其才於憂患之餘雖書生善騎射於世事物理瑩徹通曉以故大學士鄂公爾泰勸南河家宰訥公親勘海塘直隸制府高公斌勘永定河俱奏公偕行公之受知

皇上亦從此始直隸鎮陽婦被殺主名不立公夢神人示以周秋二字果獲犯雪冤在浙弛絲米之禁開墾海口大壘漲地三萬餘頃增雜糧十萬石十四年授直隸總督直隸當十三省之衝每歲

變輿調

陵盛京避暑木蘭巡嵩嶽五次至江浙路必經由加之伊犁緬甸兩度

出師一切兵校往還供張儲待百務如雲而起公能料簡周匝徒御不

驚二十年如一日十九年西陲用兵加太子太保署陝甘總督辦治軍

需日行四百里得怔忡疾仍回原任三十二年薨壽七十一

上聞震悼給祭葬賜諡恪敏公長於用人安放帖妥如置器然敦良者

使柔民聰強者使折獄素封者使支應迂緩者使訓士即其人雖不出

於正而譎詭捷黠者亦使之刺探而奔走甘苦必知賞罰必信一言必

察寸技不遺以故人樂為用畿輔數千里如臂使指捭脈絡皆通御史

范廷楷林玉奏直隸丈量旗地歷年不清公上疏謝罪即奏二人剛正

有才請發往直隸補官相助為理

上許之旗地皆王公莊戶豪縱有年二人故負氣與斷斷相角旗地稍

清而二人之鋒亦少挫矣各省督撫奉部議令民自行修城公獨奏直

隸多差徭民無餘力且又朴野不受獎誘修城之費請發公帑孟子所

謂用其一緩其二也

上趨其言從之公嘗言事君如事天地無心而成化雨露雷霆無非

教也人能常修省於受恩之時則雷霆乍來轉不惑亂而至誠所格天

心亦回直隸旱蝗

上責公督捕不力司道勸劾一二州縣以自解公不可曰我之不職州

縣何辜磁州逆匪為亂公奏誅三人絞七人

上疑公沽名有所縱弛嚴旨督過一夕間接十三廷寄家人慮

聖意不測盡兩泣而公堅執前議申辨愈力

詔解犯闕下九卿軍機大臣會訊獄辭與公奏一字無訛遂卒如公議

而從此

上愈重公各省買穀隣僧居奇公奏請需米處督撫密咨產米處有司

代購運送可杜此弊保雄兩府歲需駐防兵米二萬石州縣苦之公請

於豫東漕米內截運供支官民兩便所治直隸水利如永定漳沔白溝

等河奇材雞距等泉俱為搜考原委判別濬築

上命大臣兆公惠襄公曰修高公晉屢加相度悉如公策加意忠賢之

後在浙拜劉念臺先生像卹其家在直隸訪楊忠愍孫文正子孫給與

灘荒田畝素不信佛而獨修清涼山廟所以報中州僧也公餘之暇譜

印範墨角尖不苟一頓笑皆有意義某太守素倨過保陽衙參公坐受

之出有愠語公聞之笑曰我開府二十年雖簿尉叩頭皆不受何於某

太守獨不然耶某以宰相子出守郡慮其氣盛故逆折之使知朝廷儀

適將謙謹以有成也不感我乃愠我耶枚奉發陝西亦過保陽公謂清

苑令周君燮堂曰袁某循吏也雖宰江甯省會而能盡心民事汝等任

首縣者宜以為師嗚呼公以此知枚則公之為政可知矣公桐城人僑

居金陵在平邱時祖父母父母四代俱葬關外每至歲時必慟哭王

哀其意為奏請謫戍身死而無遺罪者聽其遷柩回里

世宗許之遂著為令及公貴三代俱贈如公官娶劉氏誥封夫人後嗣

屢殤六十一歲生子維甸

上聞之代為欣喜命抱至御前解所佩金絲荷囊賜之公雖貴手不釋

卷好吟詩有宜田稊稿稊漢草諸集纂河渠考若干卷辨明水經注溢

水之非缺漢書注洧水之非增皆勤學經生所不及也葬句容之胄王

山銘曰

月之初生蒼蒼涼涼及乎中天眾星無光方公未遇險難備嘗豈知天  
意大任方將邊風塞雨濯滌肺腑擔登往來固其筋骸操心慮患既危  
既深一遭遭際百鍊精金牙燾旌麾若固有之形弓湛露從容賦詩狼  
章鵠章山陸驅馳醜泉鬢河弊謀輔志六秉三衡功罔不濟操舟舵穩  
負重堅牢所謂棟梁不搖不撓無忤斯靜無戀斯定先民有言動心忍  
性哀榮終始位極人臣基於祿命成於精神軍民勿悲公死有歸欲知  
偉烈請觀豐碑

又方恪敏公家傳

方恪敏公諱觀承字遐穀桐城人也而居於江甯桐城方氏自明以來  
以文學名數世矣而亦被文字之累公之祖工部都水司主事諱登嶧  
考中書舍人諱式濟皆以累謫黑龍江公時尚少與其兄待詔觀永歲  
往來塞內外以營菽水之奉奔走南北徒步或數百里數年祖考皆沒  
公益困然於其間厲志氣勤學問徧知天下利病人情風俗所當設施  
遂蓄爲巨才矣平郡王福彭嘗知之雍正十年平郡王爲定邊大將軍  
征準噶爾卽奏爲書記  
詔賜中書銜以往在軍營建策善歸補中書舍人乾隆初入軍機處累

遷吏部郎中出爲直隸清河河道直隸布政使擢浙江巡撫乾隆十四年  
遂授直隸總督自是居直隸二十年中惟西疆用兵暫署陝甘總督籌  
軍餉半年卽返公性明於用人一見與語卽能知才所堪任授之事隨  
難易緩急委寄必當及公沒而爲督撫有名若周元理李湖等凡十餘  
人皆宿所拔於守令丞尉中者也直隸爲天下總匯之區人事糅雜紛  
擾不易靖

乘輿歲有臨幸往來供張而公在任又值西征軍旅之興所過備置營  
幕芻糧柔調桀悍公處此皆儲備精密弛張得宜卒未嘗少舛乏而於  
民居無擾病焉公自爲清河河道至總督皆掌治水直隸之永定河故無  
定河也其遷移靡常不可以一術治不可以古形斷公洞徹地勢相時  
決機或革或因或濬或障其於河務前後數十疏從之輒利  
純皇帝每歎其籌永定之爲善非他人執成法者所能及也磁州有逆  
民爲亂公擒治定絞罪十人餘皆釋

上疑公寬縱廷寄嚴責者數公執不易  
詔令九卿軍機訊獄乃知公所定之當  
上益以賢公公素勤於學工爲詩及書乾隆初嘗舉博學鴻詞以平郡

王監試嫌避不試仕宦數十年署中未嘗設劇公事之暇卽執書讀之嘗借秦文恭公輯五禮通考所著直隸河渠書百三卷詩集十三卷其餘雜記直隸事又數十卷及薨家無餘財而有書數十笈於桐城及江南皆建家祠置田以養族之貧者兄弟相愛甚遺命與兄待詔同葬一山公在時已加太子太保其薨在乾隆三十三年八月年七十一賜祭葬及謚祀於直隸名宦祠及賢良祠娶劉夫人公五十而未有子撫浙時使人於江南買一女子公女兄弟送之至杭州擇日將納室中矣公至女兄弟所見詩冊有相知名問知此女所攜其祖父作也公曰吾少時與此女子祖以詩相知安得納其孫女乎卽還其家助費嫁之

公年六十一矣今吳太夫人乃生子維句旣孤純皇帝以公故賜爲中書舍人成乾隆庚子恩科進士今復爲尚書總督繼公後姚鼐曰唐時凡入史館者必令作名臣傳一所以覘史才今史館大臣傳率抄錄

上諭吏牘謂以避黨仇譽毀之嫌而名臣行績遂於傳中不可得見然則私傳安可廢乎余讀

國史方宮保傳爲之憮然今尚書將修族譜請敘恪敏公事遂次其傳公功在天下還女事小然世稱公後之大興者斯亦有助焉故並書之傳末云

謹案原編有覆奏酌辦水利疏進呈義倉圖說疏覆奏興濬溝渠疏賑紀十五條四首已見經世文編今不錄

太子太保光祿大夫兵部尚書都察院右都御史總督漕運楊勤愨公錫紱神道碑舊仕驥

國家漕東南之粟上輸神倉聯鉅艦以載凡六千九百六十有九艘各有運丁丁所僱募舵工水手之屬不下數萬人艘入運河沿河左右待募牽纜之夫亦不下數萬人眾事繁於是各直省並設衛所員弁領運以糾偷惰以察奸慝而必以文武威風知夫體可敬信之大臣總其事乾隆二十二年正月清江楊勤愨公以前禮部尚書奉

特旨轉兵部尚書補授漕運總督公既視事咨訪利病爬羅剔抉興之革之與眾同欲慮漕運或有阻滯時與河臣協謀疏濬以時蓄洩俾其通達

上嘉獎焉而公淡泊甯靜化導運官撫恤疲困靡有私求在任十二年

几糧艘所過安靜不擾沿河居民往來行旅無不帖然三十三年冬十

二月朔薨於位  
上聞震悼賜祭葬如禮特命予諡凡節終之典罔不備具嗚呼公之忠

誠結  
主知

聖天子之知人善任使可謂千載一時何其盛也明年十二月歸葬日

中山祖塋又二年乾隆辛卯

恩科會試公之孫琳珩成進士出公之行狀及其墓誌以示同年生某

俾撰辭以銘其墓道之碑某後生始進未能窺測我公公忠體國之誠

於萬一奚敢妄有稱述再拜稽首以辭琳珩曰先大父知子久愛子文

章子其勿辭某再拜受命謹按公狀公諱錫紱字方來號蘭畹江西清

江人也曾祖諱相輔祖諱文燾父諱增璞三代並以公貴誥贈光祿大

夫如公官階曾祖妣聶氏祖妣張氏妣張氏並誥贈一品夫人公生而

穎異幼即端重若成人稍長肆力於學尤篤嗜宋儒書務求所學有裨

實用雍正五年成進士初任爲吏部考功司主事陞員外郎中皆在吏

部轉貴州道監察御史由御史出任廣東肇羅道

今止登極元年十月陞署廣西布政使越一年實授六年陞廣西巡撫

九年入爲禮部侍郎十年又出任湖南巡撫十三年丁父憂去任十五

年服闋補刑部侍郎仍出任湖南巡撫十六年丁母憂十八年服闋仍

補授湖南巡撫未到任陞都察院左都御史十九年署吏部尚書二十  
年二月仍出署湖南巡撫其年冬入爲禮部尚書二十一年冬又出署  
山東巡撫明年春正月遂總督漕運事二十三年晉太子少師二十八  
年又蒙恩加太子太保公既少讀書即講求實用及在官試其所學學  
日以顯故所至內外皆有實政初仕吏部時明習條例老吏不能欺高  
安朱文端公深器之其出而治外也清心寡欲正己率屬汲汲以興水  
利廣積貯敦學校宏教化爲事在肇羅道任歲巡視瀕海之田修築圍  
基絕其水患在廣西屢平土苗之變並勦捕黔省逆苗而審知獠獞苗  
民愚而嗜利其黠者動以挖窖書符煽惑聚眾煽所屬多方緝捕絕  
其根株更令實力行保甲法以靖奸匪凡逆苗田產歸官卽令苗民承  
種收其租以資積貯以借給貧苗既勦且撫安集有方苗民咸化屬吏  
或以人蔑饋者公怒卻之入告  
上曰真不愧四知者湖南民好健訟者習邪教者公皆一一嚴懲禁之

又以湖南產穀之鄉鄰省皆賴以接濟蓄積尤宜加厚其溢額倉穀或  
調支協撥卽飭所在隨時買補而長沙岳州常德澧州諸境濱臨洞庭  
沿湖田廬全資堤垸護衛例於每歲秋冬督民修築然多視爲故事豪  
家蠹胥包攬侵扣工力不均推諉延誤公嚴飭有司委熟諳堤工之員  
辦治而輕舟減從時巡視之察其勤惰予以勸懲堤工之成旣堅且厚  
彌望屹立民以無虞公凡三泚湖南父老歡迎如慈父母其政績之大  
者如此其細者不勝書也公久任封疆敷歷中外三十餘年凡所陳奏  
悉協大體而尤關國計民生之大者在湖南日以各省水利久廢愚民  
不知遠慮數畝之塘往往培土爲田一遇旱乾卽他膏腴都成棄壤請  
飭各省督撫凡有陂塘處所嚴禁改壅

上詔行之又以湖南每歲採木有司至苗地視其所有木輒籍記之而

賤價勒買商木運至江南私賣請自後商木憑牙行採買不得官爲交

易其在苗地者州縣官爲審問聽民願賣者買之運過辰關按驗乃行

遂著爲例其在漕任最久敷陳亦最多

上皆允準施行是以漕政肅清軍民胥積公旣薨繼公任漕政者

上皆以遵公約束命之所訂漕運全書雲門黃公署漕督時表上焉嗚

呼公眞可謂不負所學者矣公爲人寬宏樂易待人以恕而自守極嚴

平生於聲色貨利一無所好而以人才爲性命偏長薄藝靡不記錄尤

加意敦崇正學之士獎誘激勸如恐不及居家孝友敦睦化其宗族鄉

黨皆爲仁讓教子第一以禮法綜公生平自始學至宦成居官居家視

唐權文公宋范文正呂正獻二公靡有愧焉某未及見公猥以文字辱  
公之知深懼弗稱承琳珎命謹著其風節之大者於阡而系以銘若其  
子姓詳於誌其所著述懸於家塾傳於學士大夫之口者可考而知也  
銘曰

聖主御世賢臣得位維勤愨公洪普厥施初出而仕見知正人始終一

節不辱其身

天子常稱有體有用

主知旣隆臣節增重醇儒之學純臣之心不懈於位終日欽欽淡泊甯

靜其稟也正學以成之爰定厥命虛阜之高章水之清公生其間山川

之靈匪公鍾靈惟山及水乾坤正氣公萃厥美粹在躬車服以庸

盛朝用人惟德之崇維公之德世可法則遺命子孫竭誠報國有子有

孫世受

孫世受

國恩傳公之教逾久彌敦公教所垂豈惟孫子凡厥志士孰不仰企公之教仰公之功齊魯楚粵慶流無窮楚粵齊魯公德所溥公德之溥

功由

聖主用公公績乃彰於斯萬年視此銘章

又漕運總督諭勤懋揚公傳

公諱錫紱字方來號蘭畹江西清江人父英玉以名諸生授經講學鄉

里宗師之公自幼穎異為文灑灑數千言稍長究心於濂洛關閩之書

內行篤修求自廉而後已雍正五年成進士初仕為吏部考功司主事

明習條例老吏不能欺高安朱相國攝部事最器公十年由御史出為

廣東肇羅道端已率屬一切餽遺請託皆不行肇境田瀕海者多藉園

基為外衛公每歲親往相視修築完固終其任無水患乾隆元年署廣

西布政使條奏數事其二事言革職佐雜官宜免追編俸州縣官不得

以土產獻上官五年土苗吳金銀等作亂公與巡撫討平之明年九月

授廣西巡撫貴州土苗石金元虜永從縣治公發兵合剿平其穴擒石

金元既遷江土苗數百謀犯思恩府城公發兵往捕獲賊首李彩及其

黨八十餘人行保甲法恤苗民之乏食俾得耕作民賴以安屬吏或以

人獲饋者諱其名曰長生果公怒卻之以入告

上曰是不愧四知者矣八年入為禮部侍郎明年補湖南巡撫公以各

省水利日廢愚民不知遠計數畝之塘往往加土為田一遇旱乾都成  
棄壤有司惟計田糧較重以改則陞科為勸墾之功所謂貪近利而忘  
遠害者也請飭各省督撫凡有陂塘處所嚴禁改墾  
上詔行之時湖南每歲採木有司至苗地凡所有木悉籍記之又賤買  
商木運至江南輒賣其贏餘公奏請自後商木憑牙行採買不得官為  
交易其在苗地者州縣官為審問聽苗民有願賣者乃買之運過辰關  
按驗乃行著為例十四年丁父憂歸十六年起為刑部侍郎仍出撫湖  
南明年丁母憂歸十九年冬起為左都御史凡所奏對侃侃持大體明  
年正月署吏部尚書二十一年出署湖南巡撫五月補禮部尚書其年  
冬出為山東巡撫時二十一州縣被水公奏請蠲貸有差糶常平米減  
價三分之一以魚臺土城低窪請移置高處絕後患明年授漕運總督  
在任十二年每與河臣協謀河務以時蓄洩俾漕運通達  
上常嘉獎焉時旗丁多疲困公加意撫恤運官不敢有私求旗丁感公

德建生祠於河上公性淡泊平居未嘗不讀書奏疏詳盡事理每下部  
多如說施行所著書有四禮從宜節婦傳漕運全書及詩文集行於世  
三十三年冬薨於位年六十有八

賜諡勤懇于祭葬皆如禮

贊曰近世名臣推宋文端楊文定蔡文勤是三公者負正直之操屹然  
為當世望若揚公者其三公之亞歟既已遭逢

聖主敬歷內外而天不永其年卒未竟其用有心者當為國惜為民悲  
而公則可無憾矣余與公為同年友稔知公故為之傳

謹案原編有請停預僉備丁以免擾累疏四論漕弊與各省糧道  
書奏明力行保甲疏進勦義甯逆苗條議陳明米貴之由疏粵省

訓練鄉勇疏請酌復站夫疏唐風蟋蟀官箴說請嚴池塘改田之  
禁疏苗疆銅礦無庸開採疏十三首已見經世文編今不錄

資政大夫兵部侍郎兼都察院右副都御史雲南巡撫李公瀚墓誌銘  
寶光羅

予前後識長吏以治行稱最於山左者二其一為子丙辰房師熊峯王  
公其一則公也吾師剛明廉峻人擬包孝肅而以讒蹟起知四川夔州

府以卒公以廉善歷擢大藩方命撫滇而遽卒未竟其施人皆惜之公  
諱瀚字文瀾姓李氏內務府鑲黃旗漢軍人少孤母夫人苦節食貧撫

以成立雍正八年選入咸安宮肄業十年中式舉人  
今上御極之九年充景山教習公事母夫人至孝未謁選而母夫人卒

及公貴乃累贈公父庠生珩為通奉大夫母衛氏為夫人初知山東榮  
城縣三年調知吾諸城積二十餘年歷州府三遷為兗沂曹道所至不

擾吏胥束手始至人憚之久而愛之每有疑讞大吏委公審理輒得情  
其無罪省釋者甚眾每遷代攀送緣道或至百里外其泣吾諸城凡七

年遇紳士以禮舊有怙勢滋訟為邑蠹者公徐理之皆悔懼易行嘗辦  
差而民不知勸濬丹水及鄉村渠澮地多為腴一日謁新撫歸語及薦

舉公笑曰吾能為小桓耶時有以請伐閔仲祠柏獲薦者人目為小桓  
魁故云然在膠州凡八年商船稱便淪雲溪築堤藝柳民德之以公姓

名堤樹立石紀焉三十一年武定府大水公勘賑無遺力嘗乘小舟誤  
落水中襟領盡濕徒駭河久塞公白大吏具奏發帑挑濬自是連歲無

水患其在兗沂曹也覈支防河銀兩除一切供給歲節浮費以萬計而  
堤王鞏固三十六年春

聖駕東巡特蒙諭獎卽以是年擢江西布政使既至則庫項收放必親舉効必審奏罷編審無實之費一署九江關再護撫篆治聲益著三十八年入覲

上曰人言江西民刁難治信否公曰大吏不能正己率屬故見難

上是之屢召見詢及來京居屋公雖久外任而家計清貧依然環堵

上深嘉之四十年春二月授雲南巡撫

詔卽赴新任五月二日至貴州貴定縣竟以疾卒享年六十有五娶楊

氏康熙癸未翰林內務府總管萬程公女善事姑衛太夫人歲辛酉以

公瘧露禱得疾卒權厝先塋東北庚寅葬麥莊橋新阡追贈夫人後娶

蔣氏鴻臚寺卿王山公女封夫人子五如棠廣東海姓場鹽大使先公

六年卒如梓候選州同充四庫全書館謄錄皆楊夫人出如槐候選通

判如枚如蘭蔣夫人出男孫四鶴雲嵩衡雲五雲女孫五公之知諸

城嘗興學超然臺下子丁太夫人憂里居以公命與諸生論學遂爲知

交公卒之明年將以五月丙戌合葬楊夫人墓次子如梓如槐請銘公

之世次予嘗詳次於太夫人墓表故不書書其治行卓卓信於人者銘

曰

吏之龐噫其益古稱良月計功疇式型猗歎公有浚寸膚膏我東海開

行省對西江胡不慙俾撫南邦

帝渥伊始命則終至水之濟洋有隆銘德俟後茲貽豐

都察院左副都御史提督山東學政黃公登賢墓誌銘 盧文弨

公諱登賢字雲門系出徽之程氏祖大城縣學教諭諱華蕃少失二親

母舅無爲州同知大興黃公諱爾悟養以爲己子遂從其姓著籍爲順

天人考侍郎諱叔琳學者所稱崑圃先生也以進士高第陟館閣柄文

衡歷封疆享高壽終妣後武夫人侍郎公年三十七而生公雍正二年

舉順天鄉試年才十六父不欲其速化會撫浙攜以自隨母卒於里第

亟奔喪歸侍郎公爲怨家誣奏欲中以危法

憲皇帝察其誣但令在海塘効力當是時公方弱冠感家門顛沛祖母

吳太夫人年高懼其以憂致疾時依膝前解慰弟登穀尙幼公以家

督搢傾扶危形神交瘁猶以餘力兄弟相勉學問切劘無虛日侍郎公

旅羈吳中八年少得以解內顧之憂者繫公是賴中閒與其弟更代來

南省視兼得從諸名勝游所學益進乾隆元年成進士分部學習得戶

部河南司額外主事越七年寔授江南司主事轉員外郎又二年進陝

西司郎中皆在戶部長官器公才能剴繁常令兼攝他司恢恢而辦洞悉利弊吏不能欺遇興革大事惟公定議奏上靡不報可為尙書海公

望撰

皇後躬蠶儀

上覽之稱善詢何人為之海以寔對由是擢廣西道監察御史遷吏科給事中轉刑科掌印給事中巡視江南漕務前後任臺察給諫凡十一年所陳奏皆再任刑科掌印巡視江南漕務前後任臺察給諫凡十一年所陳奏皆切於時務可施行者山東災運奉天河南天津米接濟公言如此則東省西界北界為有備矣惟青萊距濟東寫遠利津昌邑以南諸縣山徑崎嶇陸運復不易謂宜豫糧仍舊運通而以南糧如數抵撥近從淮安鹽城出口由海港直達沂州府屬之夾倉口青州府屬之宋家口萊州府屬之膠州東門外海口分貯平糶則東界南界亦俱得資接濟又言飢民就食他方向有留養資送之例然其中有本來游惰之民無業可資轉以荒年為幸及資送回籍往往成羣滋事有於經過鄉村搶食作踐臣以為賑卹之恩難容濫及遞送之例當有區分被災之區自有賑濟勸其毋輕遠出其已出者惟老弱殘疾留養外餘聽其自為謀食至

神傳七十二

願回籍者陸續資送按日分遣多不過三十人如有強梁之人混入隊中者卽繩以法別行遞解回籍庶乎主客相安不受外來之擾其他如除幕友盤踞省會之弊杜經紀巧昂錢價之害提比捕役專責成府廳暫勅試卷令考官迴避漕丁餘米許在通出糶諸議咸奉旨允行廢員劉光訓以縣丞署知縣被黜賄通文選司書吏藉起復原官文職補知縣公劾奏論用法其巡南漕歸也復命稱

旨擢太常寺卿蓋駸駸嚮用矣會

上御門班退公素短視不知

駕猶未起卽於班後憩坐部議革職及所司別請簡人復奉

恩旨留任三十二年改宗人府府丞明年擢都察院左副都御史

命往湖南審覈茶陵州城工覆奏有平允之褒又明年授倉場侍郎甫

三月

簡署漕運總督是冬寔授加兵部尙書銜公在農部久又兩任巡漕於漕政素熟悉處置輕重咸得其宜丁有所資運咸速達明年督運北上命隨軍機大臣同人見眷顧方殷公因越常例調劑湖南疲幫并水次州縣建倉事宜且請親往鎮江察勘挑濬奉

旨申飭部議降調去官需次當得運使

上加恩以三品京堂用三十六年復補都察院左副都御史三十九年

奉命提督河南學政特調山東蓋是時壽張賊初平士習民風亟須整頓

上以公有威重故改用公公之生也侍郎公正提學山東今相距六十

六年而後繼斯任凡整飭士習崇勵風教一以先侍郎為法先是東人

於大明湖三賢祠增祀愚山施公及侍郎公為五賢祠公至瞻謁重加

修葺并置祭器且默自矢以毋貽先侍郎之玷視事年餘恭遇

聖駕東巡於界首祇迓

上見公容瘦諭加意調養蓋公惟以盡職為念雖積勞成瘵而猶不自

知也

恩賜之隆亦視前學政有加是夏按曹州閱卷不異常時忽命子嘉績

具遺疏且曰生於山東死於山東命也生於學署死於學署數也吾分

止此夫復何憾目注書箴他無所屬至夜端坐而逝時乾隆四十一年

五月十二日也享年六十有八公奉侍郎公極孝自以生晚不及親見

父少壯所行事每於燕閒侍談隨得輒錄今所傳年譜率本於此學不

務雜以小學近思錄為主文昭館公家每好糾梓本書籍之誤公曰讀

書以求益也今書并受君之益矣余知其以此規我也娶曲阜孔夫人

龔封衍聖公諡恭愷女操身儉約有文采而不肯自著見先公二十八

年卒子五人端綬縣學廩生早世景緯拔貢生今知江西安義縣嘉績

以騰錄議敘分發江西候補縣丞符綵進士今知浙江台州府修純府

學生早世女三人一適舉人河曲縣知縣張德洄一適監生四庫館膳

錄陳箴一適進士戶部主事包懋孫六人應桐縣學廩生仲馥府學生

季馨泰甯進冠文衡公豫作遺教置書箴中令耐葬祖塋官階祇稱見

在不可仍稱總漕前銜毋以浮詞長語作行述公子遵其教以某年某

月某日葬公於韓山祖塋之旁來乞銘嗚呼余之不工於綠飾也公素

知之已銘曰

出自貴介庸愈孤寒服官三紀左瓢右簞退食一編無營無競生斯卒

斯信知有命即事求理坐言可行再蹶再起

帝嘉老成鞠躬盡瘁事追先德前光後輝東人是式全而歸之韓山之

原上配若考下啟後昆

直隸總督楊公景素別傳 焦循

楊敏壯公捷以功

賜籍揚州今為甘泉縣人敏壯生湖北驛鹽道懋懋紹生古北口總

兵鑄生三子長景震嘉興府知府次景達陝西波羅協副總兵撲園

名景素其季子也為叔父象州知州以牧後幼多疾骨立貌孱弱不揚

然負大志不好章句項後生一瘦一日自割去語人曰多此肉殊礙挂

珠且令俯以見人非壯夫也貧不能自給就江右道幕稍積餘資援例

捐縣丞乾隆元年投効直隸河工以才為河道忌嫉將笞之公即躍馬

馳去投河帥愬曰景素功臣後有罪宜殺不可辱且陳河渠利病帥奇

之三年補蠡縣承八年陞交河縣知縣邪教民據靳家菴愚民為之惑

公廉得械其人燿其經典神像以其地為義學十二年陞磁州知州十

四年授天津府知府晉清河道丁木生母憂服闋補福建糧驛道調汀

漳龍道漳浦縣奸民蔡榮祖謀叛公親督員役率營卒擒之伏誅二十

三年調補臺灣道臺灣東界崇山山內為生番所居山外平埔定為界

內界外界內漢民墾種界外故為熟番之地生聚日眾界內之民侵展

禁限熟番地日促而漢民地漸近生番既與熟番構釁生番亦乘間焚

殺漢民公案界掘深溝築土牛以為之限請令熟番薙髮留辮以別於

生番永杜假冒先是游民充膺通事社丁設立大通事多為不法公令

社番內通曉漢語者充當通事革退漢人之充社丁者往年修造戰船

入山採木工匠置寮廠每一人率小匠百餘名騷擾與生熟兩番爭鬪

戕殺公釐治之諸弊悉除二十五年正薦卓異補授汀漳龍道巨盜黃

薦等九人肆毒害民莫敢擒捕公生致之伏誅三十二年陞河南按察

司使三十五年授甘肅布政司使調直隸布政司使三十九年山東妖

賊王倫以清水邪教煽聚亡命陷陽穀壽張堂邑犯臨清州大學士舒

公赫德率勁旅剿之

天子念景素將家子必知兵

特旨命分守河西邊賊不西逸公立詣制府周公元理請兵時周公屯

故城給兵千二百人夜與賊遇公曰賊眾我寡兵新集未可與戰

天子命我守河西鏡不可失下令熄火踰伏伺其過乃潛渡河屯西岸

公度兵寡弱未足以禦馬上望數里外高屋問何地眾曰回人禮拜寺

公喜曰可矣大呼曰吾軍中有回人為將卒者乎有把總自隊中出曰

把總回人也公禮接之曰賊眾我寡兵新集恐不足以禦君之黨忠義

素著盍為糾結子弟為

朝廷敍賊亦建功立業事也把總曰諾卽入其禮拜寺得二千人勇氣百倍軍威遂壯穆維者健卒也夜巡浮橋口見岸東昏黑無人聲獨持刃潛過橋見一賊臥礮下斬之夾其礮斷橋索而返以人頭繫刀上樹而呼於營曰吾殺賊矣橋可奪也眾應起立焚浮橋賊趨至斬賊數百人賊不能西逸竄入舊城以至於滅方公之將督師也舉家驚懼老幕客邵姓者素豐其餼至是辭去奴僕一夕散竄十數人惟一幕客二奴從之實所薄者也公臨行謂家人曰我將家子平日以不死疆場爲恨不幸死於賊亦先將軍之榮也至是竟以堵賊得功賊平擢山東巡撫四十年

狀 皇帝東巡幸臨清燬橋斷路處及逆匪竄據之汪家大宅公陳述剿捕

上大悅公請改臨清爲直隸州許之陞兩廣總督擒獲巨盜劉阿起高路軍臺仲兄統兵巴里坤公方赴臺灣道任重洋絕塞路隔萬里而年皆六旬外至是兩兄皆在籍聚於舟中飲酒笑樂追維離別各欲獻泣下相去蓋十餘年耳四十四年調補直隸總督卒於官年六十九加贈

太子太保

賜祭葬

焦循曰樸園本末余聞之竹廬都尉都尉嘉興太守孫也樸園子炤字鑑亭亦善余有二子先鑑亭卒故樸園遂無後朱生者黃珏橋市人也嘗從樸園樸園巡撫山東時朱偶歸市有賣瓊筮叟東阿人朱以其爲樸園部民氣陵之叟撫然曰楊撫軍方面才也妖賊蠡起倘西逸則莫延不能卽平撫軍守河之功偉矣然治齊以來以驕臨民天子能好人亦能惡人恐不能以功名終君從撫軍遊宜以慎約相勉今居里中尙假威勢嚇旅人耶朱默然汗下思叟之言非常人明日蹤跡之不知所在

貴州巡撫顏公希深傳

廣東通志

顏希深字若愚連平州人幼穎絕而器宇凝重暨長勵廉節達時務意

岸如也乾隆己巳由川運例任山西太原同知恭辦

駕幸五臺行營諸事毫不擾民奏西擢知山東泰安府建考棚設書院

嚴察徵漕浮收之弊恭遇

東巡召對行在

高宗純皇帝有顏希深他時可大用之衰調濟南開烏龍河得膏田百餘頃遷督糧道值德州大水不俟請發賑全活萬計壬午

特旨補授川臬會入對

上詢知希深母老調補江西按察使希深感激

恩遇抵任清理積案五百餘事固圉多空愿福建江西布政使丁內艱

歸適州大饑捐廉俸所餘設法助賑起補前缺辛卯復丁父憂服闋入

覲時金川逆酋貢固

命希深馳赴四川角木交辦糧務先是大兵雲集定西將軍阿桂等分

西南北三路進劔角木交者當北路軍營後路斗入賊境為險要必爭

之地也希深馳傳至飛輓糧儲不絕於道諸軍無後顧慮於是有人入

之志希深因疏言木池糧臺限於山勢不能與營盤毗連且防兵單弱

請添派兵丁闢地安營隨時操演以緼賊勢而壯軍威又請增設礮卡

斷賊之來斫伐林菁防賊之伏疏入均蒙

嘉允隨賞戴花翎既而大兵連克賊碉乙未冬定西將軍等率師采入

時山重雪積挽運維艱希深催糧拊循露宿者十有二夜以故糧隨兵

進軍聲赫然大功告戴凱閣留蜀督辦軍需奏銷事宜明年擢湖南巡

撫初湖南吏治廢弛希深下車整飭又奏立普濟堂歲養老民五百名

口潔已率屬治尚清平楚民愛之戊戌內擢兵部右侍郎尋轉左庚子

命署黔撫移署滇撫旋補黔撫以勞瘁病卒於官希深起自海隅清操

淬勵以是荷

主知而肩大任中外敷歷夙夜匪懈心跡雙清表聞

天子悼惜恩賜有加黔民相弔有泣下者蘇勸

直隸總督鄭勤恪公大進傳廣東通志

鄭大進號退谷揭陽人讀書鄙章句通知時務岸然以名臣自期雍正

乙卯舉於鄉明年乾隆丙辰第進士乙丑授直隸肥鄉令調南皮辛未

遷大名府同知以外艱歸起復歷河間暨北運河同知正定知府擢山

東濟東道時高唐在平諸縣積潦阻道大進躬親相度宣洩得宜巡撫

崔應階疏薦其能遷兩淮鹽運使丁母憂服闋署浙江按察使旋司臬

湖南乙未遷貴州布政使戊戌

詔以為河南巡撫己亥調撫湖北是年冬署湖廣總督值夏漲鍾祥漕

江荆門江陵等縣堤潰大進以湖北安陸荊州二府地濱襄江川藉

堤為衛修築不可不固如鍾祥縣之浪堤江逼受衝潛江之長一堤地

窪沙積並應審地勢高下寬狹改築月堤庶永鞏固疏入黃運  
報可既又奏言楚省教匪貽害風俗自今牧令宜據實聞之院司核辦  
其諱匿徇縱者劾之


上聽其言尋授直隸總督大進起自縣令任至畿封宣力彌勤朝廷倚  
重奉

命查勘永定河口河工及陳奏保定九龍河疏濬事宜皆稱

旨加太子太傅未幾卒於官

上聞軫惜賜祭葬諡勤恪採訪冊

碑傳卷七十二



上出諭對顯祭義  
皇太子太傅未幾卒於官

命查勘永定河口河工及陳奏保定九龍河疏濬事宜皆稱

旨加太子太傅未幾卒於官

上聞軫惜賜祭葬諡勤恪採訪冊

其諱匿徇縱者劾之

碑傳集卷七十二 貴筑黃彭年編訂

碑傳集卷七十三目錄

乾隆朝督撫下之下

直隸總督贈太子太保入祀賢良祠諡清愨袁公守侗墓誌銘 沈璠為

湖南巡撫陸君耀墓誌銘 馮浩

又書陸中丞遺事 張士元

兵部侍郎廣西巡撫孫君永清墓誌銘 王昶

兵部尚書諡恭勤李公世傑墓誌銘 曾世銘

又書李恭勤遺事 洪亮吉

前刑部左侍郎李公封墓誌銘 紀昀

兵部尚書都察院右都御史湖廣總督贈太子太保畢公沅神道碑 王昶

又畢宮保遺事 洪亮吉

又畢宮保遺事



乾隆朝督撫下之下

直隸總督贈太子太保入祀賢良祠諡清愨袁公守侗墓誌銘 沈植為

長山袁公之簡任畿封也在己亥冬甫二載即奉母呂太夫人諱扶櫬以歸歸未決

歲得失血疾尋奉命借勘伊家河工及疏洩濟甯以下積水

特旨起公再任直隸總督且有恩命俾葬母事畢趣赴任蓋是時疾

少差持服未竟上倚毘公甚故有斯命洵異數已癸卯五月公疾益劇奏請解任

上遣近臣往視疾疾竟不起疏聞上軫惜彌甚贈公太子太保入祀賢良祠賜卹如制予諡清愨節終之

典有加隆焉襄余以讞案奉命還蜀公繼亦銜命覆讞斯獄辱公與論相知之雅投分未幾會公莅任保陽耳熟公治

行合古有猷有為有守益重公之為人公既沒二子兵部郎中鎬工部

郎中繼勤述公年譜涕泣請余銘其隧石余笑忍辭按譜公諱守侗字

執冲號愚谷先世冀州棗強人 有明以隸冀州明初始遷祖諱彥忠貫

長山代有隱德以耕讀世其業曾祖諱雲蒸祖甘肅平慶道諱景芳考

戶部郎中諱承紱並以公貴贈光祿大夫戶部尚書妣皆贈封一品夫

人戶部公舉四子公居長次守仲甘肅河橋同知次守細戶部員外郎

並先公卒次守仰刑部郎中公五齡出就外傳性尤穎異識者以器宇

下其遠大年十三負雋才未冠補諸生再越歲以五經魁其鄉既兩試

禮闈不售循例授內閣中書舍人受知大學士傳文忠公選入軍機處

遷內閣侍讀文忠復奏調吏部掌選曹謝絕請託雖大寮不可撓以私

有所摘發不避嫌怨京察列一等再遷江西道監察御史辛巳秋出為

兩浙鹽驛道公任都轉二年悉裁陋規雖經奏明應得之款亦令貯庫

充公旋擢廣西臬使遣外艱歸服闋入覲以母老懇留京

上領之得旨以三品京堂用仍在軍機章京上行走補太僕寺卿

特命兼吏部文選司事尋擢吏部右侍郎兼署工部右侍郎調任刑部

左侍郎兼署禮部右侍郎兼管順天府事務暫署貴州巡撫丙申遷戶

部尚書尋調刑部尚書公自庚寅辛卯後無歲不秉使節嘗一歲屢銜

使命還朝後再出復以他事牽連更數省不遑啟居計奉

命治讞者凡十三他如酌議豐備動支耗銀查勘金川軍營運路盤驗

首省捐收監糧而經理朔南疏防者尤數數最後偕大學士高文良公

堵築儀封十六堡漫口承

旨以實在情形入告往來漫工留豫河稍久尋授河東河道總督逾半

載調直隸總督公之宣力如此迹公生平由掖省出莅外臺復由京卿

出膺節鉞迴翔樞禁敷歷封疆以器識經猷荷

聖主特達之知一時疆吏莫不心焉傾嚮奉以周旋是則是做公任畿

輔時

上嘗賜詩有云責重器資特簡諸及歿諭旨有云端重厚實才守兼優

此朝野所共知也顧余竊考公所以結

主知者則尤在於守夫璽籥必飭脂膏不潤為天子之守臣此亦分內

事耳然求其宦愈達守愈確往往難之我朝綱紀肅清官方澄敘百餘

年來廉吏之行事至今噴噴猶在人口即其姓名亦遂為世所稱誦乃

督撫中得諡清者如趙清獻廷臣于清端成龍施清惠維翰徐清獻旭

齡傳清端臘塔殷清端泰楊清端宗仁白清獻清額袁清獻懋功馬清

恪祐金清惠世德格文清爾古德陳清恪洗張清恪伯行陳清瑞瓊儂

數之僅十五人豈不難歟昔范婁山臚論近代廉吏謂清矣而或短於

才或餒於氣或不得於君君子惜其用廉之未盡而公之才之遇則豈

有是耶余故揭公得諡為清之難因并取前此數公之名綴書其間以

備續廉吏傳之采輯且以為世之為清白吏者勸而略其他善行之具

於譜中者不更贅著明節以壹惠之義公卒以五月十六日距其生為

雍正癸卯十月二十三日得年六十有一配石夫人同邑福州知府諱

日琮曾孫女歲貢生諱子遵女繼王夫人新城刑部尚書王文簡曾孫

女太學生諱兆鄧女子即鎬繼勒嗣守鈿後孫男女各七人曾孫男女

各二人娶嫁聘字皆士族鎬將以某年月日葬公於某原系之辭曰

般陽常白高傳天為岱副岳峯縣連五公苗裔毓巨人奕世載德長山

袁清郎清卿紹厥先五經蚤擅無雙名一舉迺翼登微垣入趨樞筦

規慎勤遜才省眼昇掌鈐藤廳柏府聲蜚英轉巖之江裕商民祥刑

臬事陳粵西奉母一官乞

蔡林仍典選牒伯罔遷內司喉舌參星辰外奉尺一使節遄燕晉蜀

浙黔與滇豫河宣防尤仔肩  
帝簡宅牧首畿甸惟公公望才經綸奔歸子舍何樂欒批助守禮善

養身願汝移孝為良臣起公廬居公疾纏騎箕遽去幕府捐密章  
賜卹榮哀全尊名一字清尤難我究此義銘公阡清白吏後宜子孫

湖南巡撫陸君耀墓誌銘馬洪

天子任大吏以封疆之重必其學通達古今其心仁愛民物廉潔以持

躬公正以率屬精敏以應事又得久於其治吏服民懷清和樂愷斯實

樹殿邦之偉績而上酬咨岳之盛心也若乃謨猷漸著

眷倚方隆漏盡露晞中外嗟歎如誥授資政大夫湖南巡撫陸君者悲

夫君諱耀字期夫一字青來吳江人曾祖竣元祖銓考瓚保德州吏目

位卑而德劭餘事精漢隸妣金氏朱氏陳氏三世皆以君貴累贈封至

資政大夫夫人君陳太夫人出也自幼寒苦承庭訓篤志於學以君子

自勵乾隆十七年壬申

恩科舉於京兆甲戌會試明通考授內閣中書遭父艱服除入軍機處

海歷戶部郎中

皇上知其才授山東登州府知府調濟南升運河道按察使布政使至

湖南巡撫君學優品端精析理義詳究前人言行政績故事理通達無

盤錯之難性澹泊操持謹確義利之辨斷如也處事衷諸道不意為同

異所見既審莫可搖奪為郎官時公卿藉以決疑議歲甲午在運河任

壽張逆匪嘯聚距濟甯州二百里良民生長太平猝驚駭君嚴禁諸官  
所毋或遠行滋民疑鄉人爭入城慮良姦莫辨議閉門君曰賊未至何  
閉以示怯耶且忍拒吾民使散逸被賊害或脅誘耶洞開重闔身坐其  
閒稽察容納民心大安未幾而天兵殲賊皆重君鎮定有方略云先是  
選大理府改登州升西甯道調運河皆以母老蒙  
聖恩體恤及為方伯母夫人痰疾顛狂必君侍側少息叫號陳情歸侍  
溫綸垂允而故宅無可居乃僑居禾中夜不解衣聞母聲響即扶掖婉  
勸就枕積六年遭喪既葬起督運河堤工復任藩司年餘拜巡撫湖南

命君於運河博稽詳驗洞悉源委機宜備考六卷秉臬慎重民命多  
所矜卹議免命案中徒犯解讞省拖累總藩時佐雜人員壅積貧窘請  
停止分發又以虧空多請定耗羨倉數條奉  
旨議行湖南鹽務有助公陋規至則峻卻之適鹽價奇昂遂勒減其半

社倉捐穀未輸者六萬二千七百餘石計貯穀已足請停止催收親老

來需次者劾歸養因請申明終養成例

上皆是之餘如創葺書院加惠生徒刊前修之遺集鈔本朝之名文輯

家乘厚宗師篤師友事不勝書不立講學之名言動胥歸儒術冠婚喪

祭世俗所習常而戾於禮者一弗用其舉京兆也余薦冠本房幾黜而

卒登交誼最摯其僑居亦以余相親爾前年余病瀕於死賴君擇醫品

藥漸向愈扶羸送行自慮不及再見君豈意吉往凶歸乃遽哭之乎君

病猶視事及請解任越數日卒乾隆五十年六月二十三日也

上聞而惜之既而事有與君涉者輒諭及之天下彌頌

聖主之知人而尤以偉抱未罄為君憾為斯民歎焉著有朗夫詩藁切

問齋文彙皆力追古作者初蒞長沙夢吟七言長篇記一聯云能開衡

嶽千層雲但飲湘江一杯水破其德者揮涕誦之年六十有三配陳夫

人子三恩綬繩網孫六恩綬先卒繩網奉樞詣東顧阡十月庚子啟君

自營生壙以葬泣請余誌之不忍辭也銘曰

恩遇兮碑此寸誠衡峯竦嶸兮湘川深清與誦方騰兮隙駒忽驚旌塵

黯慘兮來歸邱壑不亡者存兮千秋令名

父書陸中丞遺事張圭元

錢樹棠先生嘗為余述陸公朗夫之事云公巡撫湖南初至任所鹽商

進白金三萬兩問其故商人曰此舊規也先進此金後當以時繼進公

不受并絕其再進商人曰大人不受則此金無所歸矣公命以其數平

鹽賈買為之低前任撫楚者雖稱廉靜亦嘗受之也時天下巡撫之官

皆有貢獻爭以奇珍自媚公所貢者尋常土宜而已

上知公廉必受之以慰其意而和坤方用事官吏重賂習以為常公未嘗致一物聞其能為禍亦不懼也故事巡撫每歲決獄有失入者部臣以輕重議罪有失出者議罰之會廷臣言失出之罰使巡撫官自議當罰幾何公乃私憂曰歲歲決獄難保無失出之誤自議所罰則不可從輕我惟有舊宅一區田百畝在將何以勝之公之憂蓋恐事至而不得全其清節也是時湖南亢旱而公已病日強行求雨冒暑積勞遂不起家人以藥餌進御之曰身體受之父母今席全歸矣陳君駕千又為余言昔在湖南幕下授公子經公以事遣其子隨余還江南臨行戒之曰所過都邑幸勿使官吏知吾子時行李蕭然竟無人知所過者為公之

子也始公爲山東布政使入覲時城門權稅胥吏侈甚凡封疆大官入城者不論裝物有無必索重資公實不能與乃置衣被於外攜一僕前行曰我有身耳既入從故人借給衾褥觀已還之而去湖南水多芡蕩的藕芡蕩幕客皆恣噉之公既病夜中欲得藕粉而素不具乃使僕叩其客之門乞之其廉儉如此蓋行狀墓誌所不及詳也爲補書之

兵部侍郎廣西巡撫孫君永清墓誌銘

王利

我國家撫有方夏薄海內外悉主悉臣覃及西南絕徼莫不奉琛錫貢至其君越萬餘里親赴闕廷跪鞠上壽幸備期門羽林之末者莫如安南阮惠而廣西巡撫孫君敷揚威德實有以致之蓋安南諸大校莫黎鄭阮諸姓相吞噬久矣先是黎氏殘莫氏而據其國其臣鄭檢復尋篡奪阮惠誅鄭并逐黎氏乾隆五十二年黎維祁啟關求內附君方奏聞而總督遽請出師踰三江挾維祁至於黎城會春正總督不設備惠悉眾至維祁駭竄官軍隨之入滇南關時

高宗純皇帝已遣傅察嘉勇公總督兩粵將議討君密陳曰黎阮相吞噬外夷之常非敢抗大兵也且維祁不能守其城寇至相率而潰其不足自立明矣豈宜進討以助之且自滇南關抵其巢沿瘴海崎嶇瘴

碑傳七十三

五

癘兵心損粵民久不知兵騷擾徵發必又損於民間安南深懼

天威可以折箠使也嘉勇公然之阮惠果悔罪自陳乞效職貢并請封

先遣其從子光顯入朝明年恭遇

高宗皇帝八十萬壽又入覲既至請用中國冠服

高宗皇帝益嘉之賜名光平禮成而還西裔番王蠻長咤謂是千古所

未有也君名永清字宏圖別字春臺少而敏慧受書輒成誦年二十二

爲諸生入廣東布政使胡君文伯幕值上司以爭廢襲相訐告驗之皆

明時印璽總督將擬以私造符信比叛逆律當斬株連者眾君先私具

稟見胡君曰土酋在承襲無他志豈宜妄以叛逆坐之胡君曰是督撫

意且限迫安能倉卒易稟君乃出稟示胡君讀竟大喜陳於督撫從之

得活者二百餘人蓋少時固已奇偉矣及從廣東歸兩應

南巡召試皆列二等三十三年戊子順天鄉試舉人明年會試取授內

閣中書旋入直軍機房撰擬悉當大學士劉文正公于文襄公倚如左

右手三十八年遷內閣侍讀充方略館纂修提調官又充文淵閣校理

四庫館纂修

盤駘時巡恆在扈從常以要事騎而馳

上遙識之曰此軍機處孫某也馳驟若是孰謂南人止能坐船耶四十四年擢江西道監察御史明年四月遂督左副都御史不次之擢蓋異數也是年八月授貴州布政使龍里令某殘酷劾去之大定府胥役劉某黠悍杖斃之闔境肅然五年入覲

召對稱旨旋有巡撫廣西之命既至劾屬吏之糾結舞弊號十惡者劄職治罪以示於眾廣東飢開常平倉停採買米價大平廣東人賴以全活奉

旨嘉獎謂深知大體有古大臣風御製詩以記之融縣四頂山舊產鉛至是或言歲久砂薄君訪知煉少非鉛少也聞附近羅城縣有長安官山煤廠旺移砂就之於是鉛額如故焉五十二年臺灣林爽文反調廣西兵合剿君往駐梧州揮勇銳者勞遣之士氣騰湧臺灣平嘉勇公謂是役也得廣西鎗兵之力為多又慮梧州地界兩省餘賊或從此竄謂之果獲陳興遠等西甯民仇德廣邀眾結盟行劫捕獲之廣東官吏將窮治起大獄君曰結盟行劫有律在奚事株連為其寬嚴平允又如此然自安南事起籌糧餉庀夫馬督運輜重鉛藥往來瘴地者兩年心力瘁而受病深矣病亟口授遺奏召諸子勉以讀書承志語不及私而卒

神傳七十三

六

君性仁厚篤於兄弟惠及宗黨工詩文少時已為江蘇學政李公培所器在京師與陸副憲錫熊汪編修學金為詩文友著實嚴齋詩八卷皆和平廉直之音君生於雍正十年七月二十一日卒於乾隆五十五年五月二十日年五十有七始祖自丹陽遷無錫六世祖繼皋萬歷甲戌第一甲第一名進士官吏部侍郎歿贈禮部尚書尚書孫仁敷是為曾祖祖岱正父廷鏞官山東德州州同三代皆以君顯贈資政大夫先娶華氏早卒繼娶顧氏以仁孝稱治家惠而有法先君五年卒子五長爾琦先歿次爾準舉人方以博學工詩詞名於時次爾拯殤次爾齡候補國子監典簿次爾會尙幼女一適太學生華亮孫三慧詩慧瀉慧翼以嘉慶五年四月二十七日合葬於金匱縣北胡隸之新阡爾準寔來請銘方子自四川歸以鴻臚寺卿與君同直軍機又四年子由左副都御史按察江西君實補其缺故子二人相得為最深初四十二年雲南總督奏緬甸有入貢之信

上命章佳文成公莅其事奏以君從既抵滇貢不即至上召公還君曰緬夷震讐已久前因留守備蘇爾相恐罪重不能自決若警切開導必無不至者公屬君作檄諭之未幾蘇爾相果還而其後

按年入貢與安南同蓋君明遠略熟邊務識夷情洞燭機宜所籌必當其才識有過人非獨安南一事爲然故牽綴書之以示來裔其他政績甚著不復具書銘曰

治亂持危取味侮亡國有常經

帝持其綱胡爲夸毗以缺斧斨維相尸之維君匡之止戈爲武來享來王呼墜星象忽隕南荒契龜食墨其歸其藏後有墮泪弔此崇崗

兵部尙書諡恭勤李公世傑墓誌銘管世銘

乾隆五十有九年正月

子告兵部尙書黔西李公薨於里第承重孫再沂暨其孤華封具狀赴於京師且告將以乙卯年某月某日葬公於黔西州之某鄉屬銘其隧既爲位以哭復謹就家狀所載益以夙昔之親聞於公撥其樹立之大者而爲之誌焉公姓李氏諱世傑字漢三一字雲巖先世籍江南之口曾祖指揮公諱蔚伯隨征貴州戰歿家留黔西遂爲黔西人祖諱攀龍未仕考諱植以雍正己酉選拔貢生起家官兩淮富安場鹽大使富安公生四子伯世倬叔世任季世俊公其仲也公少而儻讀書略觀大意不屑屑章句旁及騎射拳勇博纂管絃之事靡不涉歷年二十餘

碑傳七十二

七

忽感奮請於富安公以費人試常熟黃泗浦巡檢則盡棄從前之結習而專刻厲於居官鄉曲小有爭訟必爲剖其曲直而不可干以私李廉使承書時令常熟引與同堂獻事邑人頌廉明焉久之聞於制府尹文端公巡撫番禺莊公以卓異薦遷金匱主簿莊公委充巡捕官復謂布政使許公松佶曰吾觀李主簿氣局遠大恨階級太卑無由薦拔今聞江賑例盍令以賞遷其秩乎許公亦素重公因倡同官俟助遂報捐知州奏請留江委用得

旨報可未幾補泰州知州泰州爲江北繁劇冠公始至訟牘未結者四百餘案公將刻期竣幕中客相與譁曰嘻是惡能不浹月將憊而新案又增積矣公曰無爲我慮第令日敘五六案略節與新事相開集訊時富安公與張太夫人皆就養官舍公定省外雖戲樂不一顧晝夜據案視事盡心以平兩造必得其情而各使之無所舛不五月而案皆報結焉憲司莫不歎異在泰五年繼撫江蘇者爲桂林陳文恭公益稔公治行以堪勝知府薦遷鎮江府知府甲申冬奉裁汰駐防漢軍之命京口額裁三千名駐防軍不習他業全家仰給餉卽日脫兵籍并其家遣出城羣情洵洵公先期捐俸爲闔郡倡人給三月糧木棉衣一襲以次

分撥職役全活無算乙酉春

聖駕南巡擢公分巡安徽道巡道故司權闕在任三年徵商寬而稅額

未嘗短絀治流丐擲石傷百夫長索大吏將當以叛律公力持誅止首

惡一人餘得論減丁富安公艱歸辛卯服闋補四川鹽驛道莅任一月

擢四川按察使是年冬王師進剿金川叛苗公奉檄駐章谷總理南路

軍糧時饋運初開章程未定公悉心經畫味爽起治軍書至夜分不寐

從官易班趨事者皆倦公目光炯炯必得當而後即安故所處分動中

窳會同時總理司道或疊櫻咎諱

天子更遷重臣督之惟公獨當一面五年之久無纖毫貽誤西路將軍

溫福公之失事於木果木也今大學士誠謀英勇公以副將軍進兵南

路勢難獨留暫撤兵以圖後舉公督餉銀數十萬兩在軍營皆元寶募

人運還無應者公下令曰與其舉之於賊今聽民自取之於是隨大軍

貿易者數萬人爭前負挾立盡公肅隊護其後而密檄守關官弁凡持

元寶入口者皆令還官而人給賞銀五兩帑竟獲全後副將軍以大將

軍分兵進剿公仍總理南路欲試公才以鑄廠缺炭檄公營辦公已默

識大營前路山木甚盛自往營度先令環伐大樹剷木城設卡衛乃掘

地為大窰數十伐近樹而薪焉身自留督將軍急返之曰君大員弗留

險地公以義不辭難對不旬月炭足供鑄而後返命又嘗還臺計事途

遇賊千餘據險邀之公祇從家丁數人收集臺夫數百激以忠義奮短

刀白梃擊賊連斃賊目擒生口賊驚遁將軍益奇公才上其事得

旨嘉獎賜戴孔雀花翎凱旋敘功陞授湖北布政使留辦報銷事竣奉

命巡撫廣西在任八月以張太夫人憂歸服將闋

命署湖南巡撫一年調撫河南在豫二年佐大學士誠謀英勇公塞河

畢遷四川總督四川自軍興後倉庫虧挪殆遍公潔已率屬休養而調

劑之兩年之閒前缺盡復奉有

硃批諭旨此係李世傑一人之功以風厲各省然他人即仿為之終不

能逮也公精於吏事歷任封圻勤苦與在軍營不異身無姬侍食不重

味自失時後雖令節未嘗設宴會屬吏有公事方許謁省垣一見輒督

促回任令會城司門者報馮案牘逾期檄以李某親催帖仍令詳結時

呈繳毫髮奸必先知之闔屬震悚莫敢飲法留獄公馭吏未嘗有怒容

臨事未嘗有難色然頑悍自馴糾紛立解近日長封疆者推尹文端以

碑傳七十三

八

皇上御極之五十年公年屆七旬赴京與千叟壽宴賜賚有加還任奏撥川米數十萬石以濟吳越之饑

手救褒美次年調任兩江總督公念兩江惟舊時久宦然地大物博整飭為難則益勵精神倍於治蜀時適河湖交漲冲塌南岸與安徽巡撫

書麟公河道總督李公奉翰協力籌辦漫口甫塞而大將軍忠銳嘉勇公統兵剿臺灣逆匪過師轉餉江南並當其衝公嚴立規條事辦而民

不擾提督陳杰素偃強倡議調兵協剿公急檄止之曰小醜跳梁大兵進剿如摧枯拉朽焉用增兵且沿海居民易動難靜一聞徵調或生他

變誰任其咎仍飛章奏聞

上是之而嚴飭陳杰不一月而臺灣平先時公以積勞得語言遲蹇疾

奏請解任奉旨

在任調理又公長子漳州府知府華國負倚才有幹局以督餉卒於

詔安配高夫人亦未幾下世公力疾忍哀視事

天子降詔慰勉公益感奮政無鉅細殫竭心神而疾彌甚矣

上意以蜀務稍簡且公舊莅復移公臥治之公至益修前政意甚安焉

疾亦良已而巴勒布夷人侵佔藏衛公一聞警報蹶然起兼程赴打箭

爐籌辦調度井井眾特以安兩足遂受寒濕不可以步履請解任

特命御前侍衛慶成挾醫診視賜人參一斤並許緩程進京旋授兵部

尚書

紫禁城乘坐肩輿召見則內侍扶掖而終已不愈始奉

旨予告又留京數月祝賀

八旬萬壽而後行在籍四年薨於里第距生於康熙五十五年正月九

日享年七十有九貴州巡撫以聞

上為軫惻子祭葬如儀賜諡恭勤公曾祖祖父三世皆以公貴贈如其

官曾祖妣汪氏祖妣毛氏妣張氏皆誥贈一品夫人配高氏誥封一品

夫人恭孝慈惠與公一心同德子二長華國乾隆辛卯科舉人官漳州府知府次華封乾隆甲午舉人由候補知州改授員外郎孫男十人華國生再沂候選布政使經歷先公之葬卒次再濂再瀚並國學生再汾尚幼華封生再涑丙午科副榜分發江蘇候補直隸州判次再瀛戊申恩科舉人已酉會試未中式恩賞進士一體殿試授主事在禮部儀制司行走先公卒次再沛再潞並國學生再沔再冲俱幼曾孫四人之鈞之鏞之銑之錦孫女九人皆姻四方名族初公以身末列甲乙科所至

培養士類振興文教鎮江寶晉書院蕪湖中江書院皆公所鼎新創建  
士肄業其中者飛騰接迹為兩子擇師必延文行兼優之士禮待資給  
久而益加用是子孫鵠起旁及姪姓公入官始學而摘發鈞距敏于儒  
生閱文移及奏記橐牘凡所指駁及簽商處必得其要領老幕宿儒絀  
服焉必至好乃手作書妮妮數百言質實之中洞達盡意此特公之餘  
事然亦見公質性之高才力之大積乎彼而通乎此也系之以銘曰  
禮泉何源兮芝草何根水西萬里兮誕降名臣奮身簿尉兮累積階勳  
屏垣膏雨兮矢石風雲並代疆封兮孰與為鄰盡瘁至老兮不媿恭勤  
人思舊德兮士念前恩何時下馬兮絮酒高墳

洪亮結賦令書一妓曰武山余文其姑公曰倫太

十

公知余與公次子為同歲生也屬余迂公入坐牀側數語畢公億甚矣  
遂延公入就近聽事將飯公坐次余頌公江南治績公蹙額曰子過矣  
余為江南總督非所長為四川總督庶可耳請其故則曰兩江地大事  
劇主持者非一人三巡撫一消督一河督兩織造一漕使巡漕權關復  
在外動皆可具摺上達以一人居十數大吏中遷就不可徑情直行又  
不可余故不能為也四川不然舉十一府九廳九直隸州與諸邊內外  
事皆一人專之事權不分號令畫一故可為也余又請其故公曰飯未  
至姑為子述一二事可乎余唯唯曰四川自兩金川用兵以來又承制  
府福康安後徵調賦斂無藝倉與庫皆若洗警若中落之家非有一人  
率先蚤夜操作減省衣食哀懇絲粟則元氣不復余既與司道以下設  
厲禁凡府州縣無事不得入成都即以公事來者不得過日限不得畜  
音樂侈讌會不得飾輿馬衣服朝珠之香楠犀碧蟒服之刻絲顧繡者  
皆有禁余官總督數年未嘗讌一客成都將軍者新泄任不為置酒則  
太忽置則破例乘其家口抵任日饋一蒸豚一燒羊使標下守備婉告  
曰本欲屈入署適聞眷屬至謹以此佐家讌屬吏自布政司以下亦未  
始為具一飯惟屆歲除則先飭子婦及婢媼為餽餼至十數斛歲首五

鼓朝賀畢布政司以下皆集轅門督撫制嚴重屬吏至恐不即見自正印以上廡左右皆有官廳余因遣巡捕官遞告曰汝曹爲朝廷出力久行且遷擢今總督爲汝發兆也遂令佐雜官坐州縣官廳以次上令府廳坐司道官廳皆食以俸饌余則出延司道至署共食食畢出堂皇先受司道謁賀卽令府廳州縣等遞謁司道府廳禮畢告曰元日俗例上司同官雖不接見亦必肩輿到門道有遠近必日昃始歸徒苦儼從無益也況若曹亦有父母妻子歲首例得給假諸君何不早歸令若曹亦放假半日乎皆應曰諾于是元日虛文往來俗例始革迨調任江南日倉庫缺額者漸已填補布政司王站住力亦居多焉公尙欲語而飯適至遂飽餐去後六年余奉

命視學貴州嘗道黔西公先以病告歸足疾不得行然入州境後見書院學舍義田義冢等無不井井李氏先隴封樹亦倍修整詢之皆公歸里後一一所繕造也未抵城數步公令兩僕扶掖出迓于道左余急下輿揖曰何敢勞公公笑曰非迎學使迎不徇情面之賢者耳余遂謝別去試竣復過公留話半日時公相福康安由四川調督雲貴將入境語次公頻蹙曰聞近日辦督撫行館竟有以願繡貼地者侈風一啟他日

碑傳七十三

十一

以爲官大吏者勸

伊于胡底耶因歎息執手別未幾公亦謝世矣書此以爲官大吏者勸前刑部左侍郎李公封墓誌銘紀明公與余同以乾隆甲戌登進士是科最號得人其間老師宿儒以著述成家者不一高才博學以詞章名世者不一經濟宏通才猷雋異以政事著能者不一品酒鬪茶留連倡和以風流相尚者亦不一故交游款洽來往無夙期讎會無虛日余少年意氣亦相隨馳騁願盼自豪公獨落落穆穆清靜自守於同年無所同異亦無所親疏若蕭然於仕途外也數十年來升沈不一登九卿者僅六人而公實居其一論者謂窮達有命不在聲華之相耀也是固有然然公以恬退樸訥之性而卒受殊知得躋通顯者亦自有由公由翰林改刑部時有翁強汚其婦婦爪傷翁而得免畏其再逼遂自盡眾謂傷翁不孝不宜旌公謂婦此時惟恐不免耳是無妨於孝仍宜旌錢文敏公從公言公緣是知名由郎中出守廬州時奸民葉虎倡順刀會爲暴於鄉里公捕治渠魁而嚴戢其黨卒消亂於未萌由江西鹽法道擢浙江按察使時諸商感公革陋規疏鹽引瀕行慮以八千金公力拒不受由湖南布政使獲譴再起爲福建汀漳龍道時力懲海濱剽悍之俗終公之任無械鬪修造戰船嚴禁

以舊料抵新料積弊一清官江蘇布政使僅四月清釐賑務所全活甚眾官湖北巡撫時會歲歉舊官不能察屬吏賑恤未周姦黠者或強借富民糧豪猾者又執而生瘞之公奏請悉行究治撫字多方机隍者以安又廉知十年前盜糾眾人民舍肆劫掠而吏匿不報立置羣盜於法參治悉任各官罪而吏由是做盜由是戢

優詔褒嘉遂有兼署總督之命知公之勤於其職簡在

帝心者久矣迨年近七旬自覺精力稍減即不敢久居要任致察核不

周

天子亦俯鑒其誠改司秋憲蓋力所不能為者即不敢為知凡所敢為即為之而有餘矣豈泛泛委時任運者哉雖以荆江泛溢失於預防落職而工竣以後乃

特賜按察使銜俾頤養於林下嘉慶丙辰來京入千叟嘉宴

恩禮有加亦皆非偶然先師阿文勒公嘗曰仕宦措足於實地可無顯

蹶即意外失足亦必不至破顛損骨至哉言乎公其知此意矣公諱封

字紫綬松園其別號也先世江西豐城人明洪武初遷山東壽光縣之

斟灌莊故世稱斟灌李氏曾祖諱迥康熙甲辰進士官刑部右侍郎祖

碑傳七十三

諱樸官南漳縣知縣父諱烈官蘇州府同知公生於雍正元年十一月

卒於嘉慶元年九月元配郭夫人繼配朱夫人俱先卒公子三長鈐官

工部司務次鈺乾隆丁酉科拔貢生由四庫全書館分發署江西建昌

府同知次鈐縣學生女五適王緯璧劉鼎燮王庭蘭劉世煊王允彬孫

六曾孫一公長子早卒長孫景沈將奉公與兩夫人及側室陳孺人柩

合葬於九菴莊先塋遣使走京師乞余為銘余與公同舉迄今四十三

年矣故交零落有若晨星閒居京師者僅查給事遂槎戈太僕仙舟繫

朝籍者惟余一人在林下者亦止王侍郎蘭泉王光祿西莊錢詹事竹

汀沈運使既堂殷伏羌會詹及公尙時通音問回憶少年文酒之會杳

若前生公今奄化又少一人矣俯仰今昔百感紛來爰慨然而為之銘

人以官富公以官貧貧則貧矣而秋水無塵吁嗟乎吾黨又少此一人

兵部尚書都察院右都御史湖廣總督贈太子太保畢公沅神道碑

嘉慶二年七月兵部尚書都察院右都御史湖廣總督畢公卒於湖南

辰州遺疏上

聖心軫悼晉贈太子太保應得恤典令部察例具奏又命嫡長孫畢蘭慶世襲輕車都尉次子畢嵩珠給與蔭生尋蘭慶等奉喪歸吳中而禮臣議請撰文

諭祭文有性行純良才能稱職鞠躬盡瘁卹死報功之褒於是恩禮優隆哀榮備至蘭慶等擇以三年三月十八日大葬於吳縣上沙之新阡既請少詹事錢君大昕志於幽窆復屬詞以隧道之文公名沉字縉蘅一字秋帆曾祖諱祖泰由休甯遷太倉嗣太倉分縣鎮洋遂爲縣人祖諱禮父諱鏞咸以惇德篤行重於鄉閭三代歷次邀

恩封贈誥如公官公少孤資性穎悟六歲母張太夫人授以毛詩離騷過目成誦十歲明聲韻十五能詩從長洲沈宗伯德潛惠徵君棟游學業益深遂二十二北行寓保陽總督方恪敏公有國士之目乾隆十八年順天鄉試中式又二年補內閣中書直軍機處大學士富察文忠公戶部尚書汪文端公皆以公輔期之二十五年成進士以一甲第一人及第授翰林院修撰二十九年擢左中允明年陞翰林院侍讀充日講官起居注教習庶吉士二十九年充會試同考官尋轉左庶子上知公可大用特授甘肅鞏秦階道旋調安肅道三十六年奉

神傳七十三

旨授陝西按察司使時翠華東幸覲於行在

上詢甘肅亢旱情形據實陳奏有

旨諭督臣加意賑恤並豁免通省積欠四百萬十月擢陝西布政使十二月護巡撫印務時征四川大小金川京營及各省之兵先後入蜀道取潼關及南北棧公調運糧餉夫騾撥解軍火器械安設臺站源源協應民間一無紛擾三十八年五月河洛渭三水並漲朝邑被衝分別賑恤全活甚眾十二月授陝西巡撫三十九年春旱虔禱於太白山遣官取水靈湫兩立應請

旨加封昭靈普濟太白山神又勸西安八旗馬廠空地與平蓋屋扶風武功四縣者四百八十餘頃悉募民開墾歲納租賦爲八旗賞卹之需重修華嶽廟暨漢唐以來名蹟又以秦中碑版最多萃而置之府學俾毋散佚瀆涇陽龍洞渠灌漑民田并墾提標五營牧廠地一百七十餘頃歸於實用是時陝西鄉試嘉峪關外鎮西迪化府州士子雲集請

照雲貴之例毋論鄉會試每人給予驛馬元聖周公墓在咸陽縣北畢原有姬妣奉祀生一人援曲阜東野氏之例置五經博士一員請世襲并奉文武成康四王陵祀報可

是年十二月丁張太夫人憂回籍明年

十月陝西巡撫員缺奉

旨畢沅前在西安最久熟悉情形且守制將屆一年著前往署理四十六年甘肅河州番回相伙殺傷及蘭州知府副將聞警即屬提督馬彪西安將軍伍彌泰等統滿漢兵討之繼聞陷河州府城又檄延綏興漢二鎮一由固原平涼一由略陽鞏秦分道並入適

上命大學士章嘉文成公督剿蹙之化林坪賊遂平四十九年四月甘肅平涼番回復亂由靖遠渡河破通渭掠靜甯及隆德莊浪盤踞底店石峯堡公先調滿漢三千五百名赴剿并請發京營勁旅

上仍命文成公偕富察文襄公領健銳火器兩營兵進剿公告以先清底店則石峯堡勢孤無援可立奏功文襄公如其言番回窮蹙乞命械

赴京師先是西安省城日久頽圯修築三年而工畢并修潼關城堞鞏固崇藏各外藩朝貢所經請帑興修逮三年而工畢并修潼關城堞鞏固崇隆迴踰於舊五十年正月進京陛見調河南巡撫豫省頻旱又水溢沿

河田舍被淹公請截漕二十萬石平市價以濟民食未完錢糧倉穀請全豁免且分別加賑展賑奉旨所思周到調汝可謂得人如此盡心民瘼或邀天祐朕為彼一方民

慰幸也并增給三十萬石以賑之十月同文成公勘驗高家寨挑水壩各工訖事赴桐柏山尋訪淮源具圖覆奏蒙

賜御製淮源記五十二年六月河決睢州督率司道往來搶護會文成公亦至於河分溜處斜築挑壩逼溜歸河五十三年河北懷慶三府雨

稀麥收薄遵旨撥運麥穀十萬石減價平糶又令常平社倉各米不拘常例糶借兼行民食賴以充又疏濬衛源之百泉懷慶之丹河九道堰及近太行山

向有泉源者俾夫以工受直而田亦收灌漑之利時夏秋多雨漢江及洞庭鄱陽諸水俱驟漲出江以截江流故江水亦騰踊決荊州堤潰城

而入奉旨授湖廣總督兼署湖北巡撫發銀一百萬兩為工賑之用八月抵荊州同文成公勘潰決緣由蓋因江自松滋而下至荊州萬成堤折而東

北北流本窄又有窖金洲沙長數里以障其南兼之盛漲無所宣洩直注堤根潰決實由於此乃盡剷洲旁蘆葦於對岸楊林洲斜築土壩並築雞嘴石壩逼溜南趨以刷洲沙無致壅遏而北於是城堤皆足保護矣又請修城中文武衙署兵民房屋並請賑被災戶口其外二十九州

縣之同淹者分別輕重確勘撫卹窮民均令赴工力作以資代賑奏入奉

旨嘉獎五十四年三月勘襄陽老龍堤添築挑溜石壩九月又勘估常德石櫃堤工明年奏修復潛江仙人堤條議銅運過境章程一銅船宜雇募堅固二銅斤宜過秤足數三險灘宜預趨避四水摸工價宜酌水勢加添五防範水摸偷竊又勘四川至湖北江中各灘由險改平者十二由平改險者六新增險灘五雲南銅運始獲安行先是湖北上下汰侈贖賄賂吏治廢弛皆窳而民風日益兇悍

上故以整頓屬公公緝盜賊嚴刁訟清庶獄年餘審結大小一千五百餘案而遠界秦蜀者奸宄尙未盡除五十九年八月陝西之安康四川之大甯邪教起皆稱傳教由湖北公馳赴襄鄖訊辦有旨降補山東巡撫是秋河南衛沁二河水溢及山東沿河州縣奉旨加兩倍賑卹公請將本年漕米蠲免復遴員分赴豐收處按價糴買運至災屬存貯備明年春夏閒平糶之用奉

旨此番可謂用力六十年正月仍授湖廣總督即赴新任時先有恩旨以明年歸政各省民欠銀穀令督撫查數奏請豁免公臨去任將

山東積欠四百八十七萬常社米穀五十萬四千餘石悉奏蠲之不肯遷延諉謝也二月次襄城聞貴州銅仁苗民石柳鄧湖南永綏苗民石

三保等四出鈔掠馳赴常德奉旨令駐荆常適中之地爲後路應援是時乾州鳳凰廳諸處盡爲賊藪

且圍永綏雲南及湖廣官兵分駐鎮守轉餉甚急公令長沙岳陽常德澧州荊門州各屬先儘常社兩倉存穀刻期碾運辰州轉解軍營且令雇船從助江以達五溪較用夫背負爲便而辰谿崖門皆以上多苗寨派文武能事者駐兵防護運道始爲周密其辰州以下逃徙各商給予口食安置鄰近苗寨州縣團練鄉勇協力堵防北省之鶴峯來鳳宣恩各隘口添兵分駐兼爲保靖後路聲援連奉

溫旨褒美旋抵辰州檄鎮守鎮兵瀘溪搜捕宜昌鎮兵由保靖直向永綏熟苗有被脅者准其自首示以若先效順候事平分給逆苗田產

又賞給銀布米糧以散其黨繼聞永綏圍解卽在花園隆團一路按設臺站六省之師每日供支數萬源源相繼迅速周詳

上聞而益嘉之自三月至八月乾州苗民五百餘寨先後詣辰乞降公便坐傳見不設兵衛導以朝廷威德勉令自新羣苗涕泣叩頭去迄無

碑傳七十三

十五

一反側者嘉慶元年湖北賊起詭稱白蓮教宜都長陽各聚數千人爲  
應公赴枝江調兵搜剿連破蕭家巖栗子山各寨擒斬千餘賊窟山北  
而宜昌別有賊數千分擾遠安東湖當陽復調河南南陽陝西興漢三  
鎮兵往援未至當陽陷隨統官兵募鄉勇與前護軍統領舒亮進圍之  
殲其外援三千人斬偽帥楊啟元等七月破城因奏當陽善後六事一  
編審民戶二分撥營兵三裁撤鄉勇四賑卹良民五旌獎忠節六修建  
城垣其他儲備徵發供支策應遠近紆籌鬚髮爲之頓白又委員攜銀  
米分赴村莊安撫難民免使賊誘奏入奉

旨此計是正宜如此又奉

旨畢沅前此勦洗當陽肅清縣治著有勞績不可不加懋賞著賞給輕  
車都尉世職用昭優獎其冬賊之在宜都宜昌者將竄陝蜀

上發京營健銳火器兵二千山東直隸兵二千來合剿公既奏調山陝  
馬二千匹又令人赴邊買三千餘匹解送大營濟用時賊勢蔓延而乾  
州已復因密奏逆苗石三保等就擒石柳鄧雖在旦晚可獲以十萬之  
眾駐守環攻苗人見有重兵生計無資賊首反得從中煽誘不若乘其  
窮蹙子以自新而於四面要路派兵防守且就降苗內擇其趨捷者以

苗攻苗不至再煩兵力撤出官兵併勦襄鄖宜昌諸賊自可即日掃除

十六

上下其章於軍中皆以爲宜十二月官兵破平隴斬石柳鄧復擒吳廷

義等於是將軍明亮酌撤官兵前赴達州宜昌軍威大振明年公遵

旨留駐辰州綜攬南北諸軍事初檄紛沓心規手畫久歷蠻荒炎天瘴

毒積勞成疾初患眩暈手足不仁繼瘍生於背病聞降

旨慰問命以安心調攝賜之丹藥而已莫能療矣七月初三日卒於官

舍年六十有八公配汪氏誥贈一品夫人早卒終身不復娶長子念曾

亦先歿孫二蘭慶芝祥次子嵩珠鄂珠曾孫二永滋景緒俱幼女四一

適陳暉一字秦口一字衍聖公孔慶鎔一未字公自倬直

內廷習於朝章國故少爲裘文達公所知會試出蔣文恪公門下明通  
闊達兼有兩公之長出仕西陲時拓地二萬餘里名臣宿將來往邊徼  
皆與之上下諏諮且掌新疆經費局行軍轉餉諸利弊貫弗熟悉故四  
川陝西湖廣軍務頓仍而公兼權熟計經理裕如自以文學經濟上結  
主知不肯有所附麗旌節所至盡心國事勤求民隱至於二十六年蓋  
歷省督撫中末有如是專且久者公每入觀輒

命在南書房和詩備顧問所進古器物

御製詩文紀之又撰進關中勝蹟圖志

詔錄入四庫全書

太上皇帝授寶歸政恭進典詮一篇典雅得體賚賞優渥前後所賜御

筆繡麟詩扇扳指荷包諸物不可勝紀天性孝友迎張太夫人至西安

官署先意承歡靡間晨夕及丁憂回籍適

上南巡迎鑾詢及家事奏承母氏教養始得成立

上嘉歎賜經訓克家類以褒之友愛二弟始終弗替聞不足輟俸以濟

督教諸姪鄉試中式者三人由諸生拔貢者一人嘗謂為政貴識大體

治尚甯靜故洞悉屬員賢否而不以機智鉤距不以科條繳繞望之温

然無內外大小皆馭之以恩人服其寬樂為之用篤於朋舊愛才下士

老友如中書吳泰來侍讀嚴長明編修程晉芳諸人招致幕府流連文

酒名流翕集望若登仙學士邵晉涵編修洪亮吉山東兗沂道孫星衍

咸以博學工文前後受知門下情誼周摯其餘藉獎借以成名者甚多

少嗜著述至老不輟所撰續資治通鑑史籍考並靈巖山人詩文集又

關中中州山東金石記河開書畫錄其若干卷每遇古書善本校而錄

之若山海經夏小正說文解字舊音釋名疏證三輔黃圖太康地志王

隱地道志晉書地理志新補正道德經考異又若干卷時賢皆奉為秘

寶公仕宦日久太倉舊宅傾圮丁憂時移居蘇州又於靈巖山建

御書閣以奉賜書故自號靈巖山人晚年得山後陸氏水木明瑟廢園

將葺為退老計未果今蘭慶等卜宅兆於此亦公之志也夫和與公鄉

試同年同直軍機處又為西安按察使知公行事為詳庸敢掇其關於

軍國之大者勸諸貞石以示後世餘已載少詹事之志故不備書銘曰

保釐之德歸於南方文昌華蓋錫羨垂光始以文學馳譽巖廊繼以勳

業播績封疆經文緯武用緩戎行仁扇高華澤覃湖湘苗民逆命兼思

櫂槍爰親旗鼓爰峙餼糧速彼羣醜卽我鈇斨潢池未殄星隕其芒

九重嗟悼昭示旂常聿晉公孤聿

賜綸章下茲吉兆上沙之陽水木明瑟冠於江鄉左鄰靈巖

宸翰所藏星輝霞煥下麗重岡公騎箕尾誅蕩翱翔恩榮百世雲祚之

又畢宮保遺事 洪亮吉

畢宮保名沅鎮洋人以湖廣總督辦理湖南紅苗復接辦湖北教匪往

返籌餉及銷核軍需各項嘉慶二年六月以勞卒于辰州軍營有

旨加太子太保諭祭葬其遺孤乞錢詹事大昕王侍郎利立傳及墓道碑本末悉具今特錄遺事數則得之翰林同官及公所自言與余所親見者公生平之學其得力處在能事人然公遭際實亦半由此乾隆庚辰公會試未揭曉前一日公與同年諸君重光董君鳳三皆以中書值軍機諸當西苑夜直日未昃諸忽語公曰今夕須湘蘅代直公問故則曰余輩尚善書倘獲雋可望前列須回寓偃息并候榜發耳湘蘅書法中下卽中式詎有一甲望耶湘蘅者公字也語竟二人者徑出不顧公不得已爲代直日晡忽陝甘總督黃廷桂奏摺發下則言新疆屯田事宜公無事熟讀之時新疆甫開

上方欲興屯田及殿試發策試新貢士卽及之公經學屯田二策條對獨詳核遂由擬進第四人改第一諸君次之童君名第十一蓋是年讀卷官秦尙書慈田奏殿試佳卷獨多故進呈有十三本非故事也在翰林六載以久次充補日講起居注官值

立敬斜  
上耕籍田講官惟籍田侍班與御座最近先是屬編修守謙侍班日行特旨申飭是日復應勵侍班勵窘甚知講官中惟公易制先一夕走公

寓日明日必須君代我我業語君卽歸閉戶臥倘誤不任咎也公亦不得已代之朔日

上三推畢回坐御幄中諸大臣依次出耕籍田在

上前者僅講官四員耳

上忽語曰布穀戴勝一耶二耶公立班在前卽出奏曰布穀卽戴勝

上是之因詢甲第又知爲第一人因論曰汝能詩乎對曰翰林職也

上喜卽以戴勝降于桑命題公頃刻成五言八韻詩呈進

上稱善遂有意嚮用矣及已官巡撫復值

西久耕籍田語諸大臣曰朕于此曾拔擢一人蓋指公也公性寬平官陝

上命原任大學士李公侍堯以三品銜署理陝甘總督駐西安久不去意欲翻駁數案及鈎考諸屬吏公以李故相也不敢與鈎禮每日平明卽撤儀從上謁到皆在司道前李知公之敬已也厲威嚴不得發留數日意不釋馳去于是諸揚息者始安嗣李以重罪逮入都公送之獨遠復執手流涕乃別李在刑部獄語人曰一路來愛我者惟畢公耳公之處同官友朋類皆若此然人不能學也公愛士尤篤聞有一藝長必馳

幣聘請惟恐其不來則厚資給之余與孫兵備星行留幕府最久皆  
擢第後始散去孫君見幕府事不如意者喜慢罵人一署中疾之若讐  
嚴侍讀長明等輒爲公揭逐之末言如有留孫某者眾卽捲堂大散公  
見之不悅曰我所延客諸人能逐之耶必不欲與其處則亦有法因別  
構一室處孫館穀倍豐于前諸人益不平亦無如何也公軍旅非所長  
又易爲屬吏欺蔽卒以是被累身後田產資畜皆沒入官云  
謹案原編有陝省農田水利牧畜疏一首已見經世文編今不錄

碑傳集卷七十四目錄

嘉慶朝督撫

資政大夫兼兵部侍郎都察院右副都御史總督淮揚等處地方提督

漕運海防軍務兼理糧餉管公幹貞墓誌銘 趙懷玉

兵部侍郎兼都察院右副都御史巡撫雲南等處地方提督軍務兼理

糧餉孫公曰秉行狀 孫星衍

資政大夫安徽巡撫兵部侍郎兼都察院右副都御史荆公道乾行狀

孫星衍

兵部侍郎銜署直隸總督裴公行簡神道碑銘 傅敬

安徽巡撫錢公楷傳 代阮元

榮祿大夫振威將軍兵部尚書都察院右都御史閩浙總督董文恪公

教增墓誌銘 湯藩

碑傳七十四目

錢大士墓誌銘

榮祿大夫建威將軍兵部尚書都察院右都御史閩浙總督董文恪公

交廣巡撫錢公楷傳 代阮元

兵部侍郎銜署直隸總督裴公行簡神道碑銘 傅敬

資政大夫安徽巡撫兵部侍郎兼都察院右副都御史荆公道乾行狀

漕運海防軍務兼理糧餉管公幹貞墓誌銘 趙懷玉

兵部侍郎兼都察院右副都御史巡撫雲南等處地方提督軍務兼理

糧餉孫公曰秉行狀 孫星衍

資政大夫兼兵部侍郎都察院右副都御史總督淮揚等處地方提督

錢大士墓誌銘

嘉慶朝督撫

嘉慶朝督撫

資政大夫兼兵部侍郎都察院右副都御史總督淮揚等處地方提督

漕運海防軍務兼理糧餉管公幹貞墓誌銘

趙儀玉

國家東南之利莫重於漕而弊亦最大數十年來克殫厥職又以清操

著聞者咸推清江楊勤恪公錫紱及滿洲鄂寶公其後吾鄉管公實踵

美焉公諱幹貞成進士時禮部改貞為珍乾隆六十年有

旨仍改原名字陽復號松崖自南宋以來世為武進人曾祖淑考職州

同知祖棟國子監生考景賢乾隆元年舉人公在母廝七月而生生之

夕舉人君夢神人負大旆書翰墨文章四字厯階升堂故初名又曰翰

五歲而孤母史夫人苦節撫之嘗手錄鑑略以課年十一能屬文十九

祖母陳夫人卒公以祖在雖不為祖母服重而髻鬣喪父於心不安終

三年未嘗與歲試乙亥補生員丙子中副榜貢生己卯中順天舉人丙

戌大挑舉人初以知縣用旋成進士改翰林院庶吉士己丑散館授編

修明年以母喪歸甲午分校順天鄉試乙未分校會試丁酉充貴州主

考官戊戌充教習庶吉士庚子改陝西道監察御史掌貴州道辛丑巡

視西城轉京畿道癸卯巡視天津漕務是秋掌京畿道復視西城冬巡

視南漕遷戶科給事中乙巳再視南漕丙午遷鴻臚寺少卿通政司參

議協理漕運總督事仍視南漕丁未遷光祿寺卿內閣學士充文淵閣

直閣事戊申再

命協辦漕運總督進工部右侍郎署吏部右侍郎充順天鄉試主考官

己酉充會試總裁官授漕運總督加兵部侍郎右副都御史銜庚戌

大駕東巡賜孔雀翎黃馬褂乙卯京察一等丙辰

召預千叟宴其在翰林直史館任撰文斤斤以品節自勵

四庫館開纂修者得保臈錄人爭趨之以便其私當事欲以相屬獨辭

不與札薩克蒙古外藩王公創立表傳眾難其人公任總纂五日定議

二年而書成其視西城城牒皆親斷立發劾左翼稅局濫罰牲畜及副

指揮馬為玘改供縱犯勢要請託概不得遂暇卽周行郊內外凡命案

竊案捕之輒獲其視天津漕楊却方封雇民舟為撥船至數歲不得釋

又牘外幫有無弁無兵者公皆奏上之及視南漕幕無一人從容自理

時漕船回空多守凍公以打冰須先通下游若治上游則冰凌下注益

增堅厚如其法遂無守凍之患山東江南不雨雖挑濬運河漕艘仍阻  
公具陳兩少河無源開壩遲前後之阻有故因附陳河湖水利略言漕  
船之速在運河運河又以諸湖爲水樞誠使節節疏通雖遇旱澇可以  
節宣否則兩少無籌濟之方兩多無容水之地至引黃入運亦一時權  
宜苟水利充盈黃河全力下注運河自不致停沙又奏駱馬湖宣洩事  
宜所言皆中窾要竝得

旨議行其總督漕運首減浮款添給江西幫行月糧請留直隸借款銀  
十萬兩交長蘆鹽政易賣鹽錢文濟楊邨諸幫撥價又請蘇州太倉押  
重運官仿江南通省例自水次到淮不得更換又請河南豁免緩徵停  
運減存之舟就近赴山東受雇撥運又請各幫水手短絳責成頭舵工  
以素識誠實之人充補免聚眾竊盜諸累皆  
報可時各省開兌多至春初又在在逗留遇水淺及河溢之年有在北  
河度歲者公嚴飭弁丁修船受兌復冬兌冬開舊制速簽盤以免守候  
撤委員以絕滋擾嘗策馬躬自督催風雨弗避或不歸所乘舟支帳露  
宿微弁出力必親慰勞之運丁舟人不用命立予懲罰當時或苦其苛  
急及回空省費無絲毫派累咸大悅服五十八年春積勞感疾奏請開

神傳七十四

缺

上命安心調理使總督書麟公就近兼攝乃不較辭稍愈卽起視事然  
自是精力始耗矣初白糧運京倉勵十之一偶值輪派以爲畏塗會有  
新令令全運至京而未籌運費倉場侍郎使運丁以諸舟餘米給坐糧  
廳經紀代運浙江船勉行之江南餘米少丁情不便公以咨部倉場奏  
江南次年已曾具結不應仍執初議部議鑄二級用公運次受替馳赴  
熱河

行在面陳江浙情形不同旋奉有此後浙江白糧照舊運通之

旨次日復傳詢江南白糧運丁次年何以願行漕糧有無改運京倉及  
運京之費何出公因押運各員尙未及見運費屬監督所司竝以未能  
深悉覆奏再奉嚴議摺仍

留中會江南大吏疏中有督糧道等曾以此事申告總漕未經批發語

遂革職時丙辰七月也公任漕運凡七載知無不言遇當糾劾雖要人  
無所顧忌時內外章奏多以其副白執政請可否公獨緘封直陳以此  
頗爲當路憎嫉此又公卓然大節人或有所未盡知也少孤貧事母至

孝交友不以窮達易節身雖顯未嘗一日去書五經皆有著述諸史於

初明一代尤稱淹貫詩文下筆立就獨得雄直之氣既罷官自以蒙  
上特達之知未忍遽歸就逸居法源寺旁屏絕人事纂輯生平未成  
之書或以歸計進輒怒然不語人亦無致以此勸者居二年舊疾作以  
嘉慶三年四月二十五日卒於寓舍距生雍正十二年十一月二十二  
日春秋六十有五初娶史氏誥贈夫人持家有禮法攻苦食淡戚郇稱  
之先公十二年卒再娶史氏誥贈夫人子三適安河南濬縣縣丞署涉  
縣知縣後公一年卒適儀布政司理問職銜適羣女一未字孫二人貽  
葬貽葆五年正月葬公某鄉之某原夫人耐焉禮也懷玉交公垂四十  
載知公最稔其忍不銘銘曰

其才沛然兮其節卓然施於有政兮匪懈益勤初以為苛兮久而歸仁  
在唐維晏兮在宋則先一厥弗振兮并厄其年

帝方嚮用兮曾不少延歿而誰嗣兮為世惜人我銘其室兮永固且安

兵部侍郎兼都察院右副都御史巡撫雲南等處地方提督軍務兼理

糧餉孫公曰秉行狀孫星衍

公姓孫氏諱曰秉字德元一字葆年奉天承德縣人先世居臨榆遠祖

在明永樂時有世襲金帶指揮者葬在縣城南之古甯海城外碣字漫

漣無名諱可識考曾祖守祖妣穆氏祖自貴妣杜氏父賢妣王氏何氏

三代皆以公官布政使時累贈通奉大夫江甯布政使妣皆贈夫人公

少聰慧讀書目數行下乾隆二十四年舉於鄉辛巳

恩科成進士三十六年選授河南郊縣知縣越四年丁母艱回籍以貴

候銓知府復仍以知縣試用湖北省四十二年補授嘉魚縣又署建始

縣公素性儉樸以為縣令親民之官當約己奉公今世有以饋貽遷劇

邑屬託撓獄訟者吾不忍病國病民以徇俗也故所至之處多不稱上

官意同僚亦笑其迂及受代時國帑無絲毫虧缺士民皆歌思不忘四

十四年選授廣西柳州府知府明年到任以能調鎮安府撫輯夷民甚

有威惠五十一年擢四川永甯道又二年調貴州糧儲道署貴州按察

使又二年擢湖北按察使時值畢督部以重名坐鎮雅俗屬吏少所許

可獨倚重公商權平反以為孫廉訪不吾欺也五十九年擢山東布政

使時中朝柄政者以威權掄擢外臺大僚自道府以上皆以貨賂固名

位公獨不與通謁曰吾以樸誠受

主知不知其他以是為要人屬託所不到尋謂江甯布政使嘉慶元年

八月到官值山東江甯河工久未合龍議派地方官助費開浚引河且

議請加征公力阻其說以為加征非

盛世事卽扣守令常秩使俯仰無資是迫使賸民也其事乃已

今上親政赫然革吏弊開言路公乃奏言河道挑築工程請任河員以

專責成河員承修工竣應令會同地方官勘驗結報先是開河工程檄

調沿江沿海牧令民事曠廢委以購梳僱夫或以徵求累民或稱賠累

虧帑及築堤濬河悉斂費以屬河員無從稽核沿河守令與河員同有

參處分賠之責工程虛實不相關白公深嫉其弊故奏及其後河工

文武有以侵帑見法籍其家貲累萬或疑公密陳不知其審也四年四

月奏請復知縣改教舊章自五十一年定例知縣補缺才不勝任卽令

休致公奏言士子讀書得第需次多年始登仕版遽令終身廢棄非所

以體恤且恐土司重去人官因其別無劣蹟姑息貽誤又非整飭官

方之道請以年力強壯學問優裕者改補教職如舊制又以楚蜀軍營

召募鄉勇皆不教之兵驅之遠行有急旣不可恃無事則散而為患奏

請興建營田編查保甲言自河南南陽陝西以至湖北安襄鄖陽陝西

西安漢中興商一帶長山大谷數千應

勅下督撫招懷歸降流散之民各給無主田二十畝借與資糧使之耕

作水田則濬川通渠旱田則開溝鑿井其山地不宜種植稻麥者雜種

桑榆芟藕以助衣食五家立社擇年高曉農事者為伍長教督耕作和

睦鄰里守望相助險要地方添設巡檢手把駐守彈壓習練技勇則流

亡得以安業鄉勇有所歸縮此本固邦甯之效也保甲或累民因其累

以弛之未免因噎廢食請責成州縣每鄉之中計戶分甲公舉誠懇一

人以爲保長每甲十戶之中又公舉一人以爲甲長令簿記往來人客

則保長不至累民罪匪無從匿跡又以承平日久懼軍營將士不嫻武

略奏請選募將士訓練講求以資武備言生聚攻守之術權謀應用之

宜具在宋許洞虎鈴經其言簡明頗中體要懇頒發軍營講求訓練凡

所論奏或蒙

上施行或下部議覆因是益深荷主知嘗以六年正月入覲

上問彌補虧帑之法公奏操之太急恐不肖吏籍詞彌補爲患地方終

無實效

上嘉公樸誠後因公子燕翼之道任入覲猶屬剛方似其父云公性伉  
直江南大吏某以廉絮自喜嘗問何以教我公不敢言及問之切對以  
公多擁蔽書吏之弊日甚大吏言亦知之但不得其要領公卽舉實事

以對大吏故賢者不以公語為憎益以此見重公在江南清節彌厲苞  
苴不入多用調濟資有餘以補不足或感恩饋贈則以其資完帑項其後皆  
兩從容調濟資有餘以補不足或感恩饋贈則以其資完帑項其後皆  
不敢欺隱也五年三月擢貴州巡撫甫到官值銅仁縣石峴逆苗滋事  
之後公恐勦捕時有驚散苗人藏匿因設法招引安插腹內山場餘地  
使之耕種奏言苗頑均屬赤子不可令其資生無計若苗人各安生業  
則錯居腹地亦易防範不虞其滋生事端其年七月調雲南巡撫公在  
任絮已衣不改作日食錢不滿千絲毫官物不以入己惟以普洱茶煮  
檳榔寄家云此物能治積食勝於致珠璧也七年五月奏請借糶常平  
倉穀言滇省山多田少土性瘠薄除秋收米穀之外所種豆麥雜糧春  
收本屬無多每至五六月閒青黃不接市糧價昂若竟停其借糶則籽  
糧缺乏便致輟耕荒廢臣不敢拘泥新例致使便民之政有名無實業  
經飭行司道準令各屬照例借糶俟秋成後還倉仍嚴密勿許有短發  
久弊生有短發淨收之累請無災年分不準出借者各省倉穀既不買  
補平糶又須報部部吏高下其手增減糶價外吏率皆積穀七八年至  
紅腐米價騰貴富賈獨擅其利常平社義諸倉無見穀一遇偏災無以  
給振識者患之至公有此奏

神傳七十四

五

上批有治人無治法惟在實心辦理實力稽查若辦理不善卽不出借  
倉內仍空空如也總之於民有益之事只管辦去勉之欽此公實心為  
民從數人他無親屬身後所需督部為之經紀喪事遺言不受賻贈歸  
櫬而已公生平友愛弟曰俞早卒以次子馮翼為之嗣弟曰箴早卒迎  
養其孀撫教其子燕喜為學附生以資為知縣命弟曰源投效河工官  
楊河通判一門之內食指千數雍雍如也篤於故舊愛敬儒士業師某  
老學未達卒後為刊其遺文恤其家累好觀經世之文輯為一冊手自  
評點每與人論古昔名臣言行流連企慕輒移日晷先是  
詔舉孝廉方正或探朝貴意不為申報公以為  
國家異數不當壅於上聞使野有遺賢故在山左江南所舉皆寒素有  
名之士善接幕僚諮詢公事參以見聞掾吏不能舞弊蓋以誠實待人

未嘗察察為明人亦不忍欺二公生於雍正十年十二月八日得年七十有一子二人長燕翼前廣東肇羅道次馮翼蔭生

簡用通判候補郎中孫一人豫謙星衍官山左時與公同僚及歸僑居金陵公以同族有過從之雅知公為政一二因為行狀以質世之知公

資政大夫安徽巡撫兵部侍郎兼都察院右副都御史荆公道乾行狀

孫星衍  
曾祖爾極祖毓光父德志俱贈資政大夫安徽巡撫

公道乾字健中號南谿先世自明時從山西猗氏縣遷居臨晉公生數齡極穎慧稍長為文力追先正不苟隨時好年二十一為附學生旋食餼中乾隆二十四年己卯科舉人三十一年挑選知縣分發湖南試用署麻陽龍山兩縣事時苗匪不靖官兵所過水陸役使民夫公核減其數民無擾累題署東安縣鞠何孔熊爭山毆斃李芝獄白所誣何振林冤出之衡州迺南食粵鹽粵商入楚饋東安令千金成故事公卻之南署慈利縣捕治土豪高斐秦淮佐等民以安業補龍山縣調署靖州

碑傳七十四

六

是年州境大稔餓殍狼籍於道公碾倉穀出糶設五廠與民期晨舉礮為號民自赴廠買粟胥吏無所施其弊又以粟給其癘疾無告者且請截留長安營兵米贖賑使秋收解歸營兵民兩便奉檄至省治獄安鄉甲與乙婚乙後悔以女許嫁他姓將婚甲母命甲偕其兄往奪女歸乙家來索酒食因叫號甲母恚自縊吏以甲累母至死罪應死公得乙悔婚狀坐乙家婦女威逼罪責免之第一清官中朝屬目劉曾巡撫湖南習府同知會入覲劉相國墉稱為第一清官中朝屬目劉曾巡撫湖南習知公行政云署肅州石峰堡逆回抗拒官軍公從軍書旁午中治事不廢猶修復水利資灌溉制府舉公端方謹慎卓薦記名擢安徽池州府知府五十四年到官革除弊規甚多署蕪湖道事權稅贏餘存公不以入已旋國珪巡撫安徽尤信任公六署蕪湖道事權稅贏餘存公不以入已旋上大府為賑恤費五十八年調鳳陽府知府復調安慶首府隨制府至高宗純皇帝有聞汝作好官之諭記名請假省墓未抵家簡授山東登萊青道嘉慶元年到官五月代理山東布政司事時康方伯基田塞河豐工儉公代至省治事是冬與康公商舉計典以激濁揚清為己任薦

廉吏崔映辰李如珩等而密劾其下不飭者二年擢山東按察使四年二月擢江蘇布政使先是州縣官存留俸薪儀從郵驛經費自令甲改解司庫俟奏銷後請支始則防吏侵挪久之解有浮費發有短平甚至勒抵前官虧帑佐裸教官不能得俸其驛傳領於臬司不絮者或苛駁案牘因爲饋貽郵政廢弛日甚公陸兒時奏請州縣坐支經費依舊章在地丁項下開除以省解司請領之繁奉

旨補摺卽荷俞允施行天下便之六月到官八月擢安徽巡撫公以清名荷知遇不三年自監司加擢節鉞益思厲節操整頓地方積習先是外臺州縣虧帑代任時以供張什物鋪陳作抵積多至腐敗不可觸手猶以重值注籍公檢察通省存貯實數盡令斥責償帑負而徵其不足之數於前後任事者曰吾荷

主知不敢避嫌怨也又言事君當念勿欺故奏牘質直無華飾雖以此得過不悔時弊政難驟革而他省復不能畫一行罷任官有牽連久不得赴補者始怨公求治太急矣六年赴江甯監臨鄉試歸奏請以勞疾解任奉

硃批獎公官聲及辦理封疆公事妥協諭令解任後或回本籍或卽在

碑傳七十四

江省就近調理痊愈來京簡用十二月受代居皖城明年三月三日以疾終於寢舍春秋七十有二臨終呼首府縣至寢所指牀下金示之曰

若視印封吾幸受

重恩積養廉數千兩足以歸觀營葬事諸君素愛我勿爲斂賻又呼其兄屬曰兄仁弱勿聽此輩慝惠受賻違吾言言訖氣絕公生平儉約無姬侍服食之好自處刻厲不肯以清名蓋人性友悌兄應乾御乾俱先卒與兄學乾不離晨夕至老共牀褥教督子孫嚴不爲具產業篤念師友嘗受業牛大令運震之門後官山東召其子爲運震表墓樹碑親往醮奠居恆好閱書傳格言嘗言生平得力是敬讓二字沈靜有先識故大僚某官山左時有

旨命往濟上視運道卒不往公憂之曰事上如此何以使下又見其不

救月食挾優伶出省爲使車設燕告人曰此公不敬天不敬

君禍至無日矣屬同僚愼之其後大僚果以佞貴要敗去星衍任臬使時與公先後受代與公知契最深及丁母艱歸公過金陵必相視執手不忍別親見公行事略因行述爲撰次所記憶以俟錄名臣碑傳者採擇焉子澤桓澤楫孫三人長炳縣學生早卒澤楫生次焯次煊俱澤桓

生

兵部侍郎銜署直隸總督裴公行簡神道碑銘惲敬

公諱行簡字敬之姓裴氏始祖萬頃仕宋為大理寺司直自會稽遷新

建遂世為江西南昌府新建縣人曾祖琅歲貢生祖君弼刑科給事中

父曰修太子少傅工部尚書諡文達妣一品夫人熊氏文達公生子四

長麟翰林院編修次師國子監生皆早卒次即公次行恕湖北漢陽縣

知縣公年二十丁文達公艱服闋

高宗純皇帝欽賜舉人內閣中書推文達公舊恩也旋直軍機處遷侍

讀擢山西甯武府知府調平陽府以熊太夫人年老請內用補戶部陝

西司員外郎仍直軍機處升刑部福建司郎中

本朝之制凡章奏陳達

制詔宣降軍機大臣取

進止章京行之內閣六部或徑下各省及外藩公在直二十餘年內

勦掌故外悉四方之政於是朝野之論皆以為能可大用

今上加意人才大臣多以公名舉奏升內閣侍讀學士奉

命祭南海是時教匪未靖經略額勒登保公駐略陽公奏請陝西四川

帶兵大臣扼衝嚴守使陝匪不入川匪不入陝然後逼使東竄經略

以大兵蹙之可計日梟縛復命後升太僕寺少卿奉

特旨偕大理寺少卿高星額公犒軍公奏請自寶雞至褒城棧道兵卡

宜復設且於要害設大營隔賊走路兼通大軍糧運而其時經略引嫌

請止舉劾麾下功罪公奏請五路帶兵大臣所統將士皆聽舉劾移書

四川總督威勤伯勒保公為陳廉頗簡相如相下之義兩帥大和公論

事多中機宜得大體類如此途次鳳縣升太僕寺卿次西安除河南布

政使調江甯布政使

賜花翎丁熊太夫人艱未禫除福建布政使旋調直隸布政使兼按察

使護直隸總督先是天下大政事賑貸轉輸供億皆以州縣為經由數

漚錢穀出入多未釐正

高宗純皇帝欲以曠蕩之恩滌之暨

今上登極下詔盡免廢員而地方大吏鈞稽簿領束於成格不能一概

除豁官民或借以為煩擾之具公以為非清帑無以塞僥倖去煩苛遂

一以清帑為首事福建布政使冊目十有一公於中分子目一千五百

有畸於是支解者豪黍皆見吏不能欺得銀若干萬兩直隸民遺議分

年隨輸官通議分年罰繳得銀若干萬兩前後兩省凡清帑若干萬兩旋奉

特旨以兵部侍郎銜署直隸總督嘉慶十一年永定河溢公舟行視堵

築九月庚午感急疾卒年五十有三遺表聞

子實授總督卹典賜葬銀五百兩碑銀三百五十兩祭銀二十有五兩

諭恭勤配莊夫人禮部侍郎存與公女子六長元善

欽賜舉人候補內閣中書次元澗國子監生次元俊副榜貢生候補鹽

場大使次元遜候補通判次元穆次元英孫開甲元善出女六皆適名

族某年月日元善等奉

諭旨葬公於新建慈茹鄉之硃砂岡立碑設祭如禮敬於元善相習知

公為詳謹條其大端碑於墓道之左銘曰

文達蓄德是延恭勤上品之才如擢寒門截鵠斷犀導鋒微至精心一

往用其不二遂涉吏事佩乎青朱囊封之言

天子是俞治戎以和治事以肅大將柔心小胥重足甫授節鉞為方鎮

臣祁雨未周已墜其雲幽青原戴吾

君賜子孫繩繩于千萬世

碑傳七十四

安徽巡撫錢公楷傳元祚

公錢氏諱楷浙江嘉興人年少器宇凝重伯曾祖文端公見之曰子其為我宗之範乎遂字宗範後又字裴山先世本何氏明初有貴四者坐事成黔屬其子於錢遂從其姓四傳至被嘉靖朝官禮科給事中以星變陳言請斥方士削職贈太常寺卿事載明史又四傳至贈光祿大夫綸光為公高祖子長即文端公次峯廩貢訓導為公曾祖以父喪哀毀卒

欽旌節孝任太夫人撫孤汝鼎以文端公蔭國子監生為公祖生子濟為公考亦以父喪哀毀卒母程親授公讀書當大風雪夜紡聲書聲申且相答也三世皆以公貴贈資政大夫公賦性穎敏勤學不倦年十二補縣學生乾隆丁酉選貢癸卯舉順天鄉試己酉會試第一殿試二甲進士第一選庶吉士改戶部福建司主事直軍機升江南司員外郎丁祖母承重憂服闋補原官嘉慶戊午充四川正考官旋

命提督廣西學政泗城鎮安二府當極邊例令赴南甯試遠道二千餘里乃奏請歲科并試以惠貧士庚申升禮部祠祭司郎中仍留學政任任滿復命逾二年調刑部安徽司郎中京察一等補太常寺少卿升光

祿寺卿

命按事河南山西凡決獄不敢忽不輕用刑囚或不輸實跪之庭連日夜危坐鞫之卒得其情授河南布政使諭以寬嚴相濟勤慎辦事勿效近時習尚因詢家世公備陳母教伏地感泣

上為動容曰此賢母也既之任常味爽起謁巡撫白事還接見屬吏退坐小室治文書紙窗布簾無器玩之設食惟一穀雖一紙一薪不取給州縣官核各州縣虧欠銀九十餘萬兩量為限制令分季解司官民無擾累兼攝巡撫河東河道總督河南食河東鹽者三十二州縣自嘉慶

十一年山西鹽歸地丁者復歸商運限試三年至限滿而河南鹽價日增晉撫初彭齡以河東鹽價隨時低昂請無庸定價公奏河南民苦鹽價之增特待三年滿與減價食賤令若不定價恐奸商藉詞增長評訟滋紛請

飭令山西撫臣按乾隆間舊價酌定限制違者罪之庶於不定之中仍示裁抑之意擢廣西巡撫廣西多客民依山為寮誘土民為盜事發遁去土民獨罹重法公謂弭盜莫善於保甲乃酌行舊章令客戶一體編

列設巡船哨卡嚴密偵察委官給以資斧易服至各要隘訪緝懸重賞為勸於是獲逸盜甚眾弊羣吏先操守後才能願嘗謂人才難得應劭者不少怨而時存愛惜造就之意其才識未充者隨事教助若師弟子然重刊陳文恭公從政遺規以為僚屬法調湖北巡撫會

命閱士子所獻詩賦冊扈蹕還至正定召對十六次錫賚無算還武昌有旨來京補戶部右侍郎時南陽盜王昉子等所過劫掠襄陽昆連南陽公飭屬為備總督馬慧裕奏請少留公在任兩月途中奏湖北利弊四事曰漕米之運荆州滿營兵食者宜就近地撥定沿江洲地宜悉立契

埤卸報豁以杜爭端提督署宜移駐襄陽淮鹽價昂川鹽潞鹽價皆賤宜減淮鹽價以杜私販皆

王昉子解河南公訊治陳奏調工部左侍郎旋授安徽巡撫李家樓河決宿州靈璧當其衝泗州當下游患尤甚公乘小舟行巨浸中以察水勢攜餅餌餉災民支席為廬凡二千餘所俾民棲止先給一月口食飭

碑傳七十四

十

各屬吏勘明戶數具奏卽發帑四十萬餘兩以賑復奏宿州靈璧泗州境惟濰河爲減黃總路然不能容全河之水李家樓奪溜至七八分橫流四溢高出平地舊河雖深通亦無益其入湖處未嘗不順恐洪湖尚不能容今漫口未築水勢未減各境舊河皆在釜底固無從疏導且亦窮於尋探

批答體之明年春決口合積水漸退民得安宅歛縣人張良璧采生斃嬰女多人

命鞫之良璧恃無證陽驛不服公晝夜親訊幾二十日禱於城隍神翌日情盡吐無隱蒙城人張萬倉子以父死非罪入京訴冤鞫之原讞張山杜魁等爲盜山叔萬倉以拒捕死山魁等皆獲服爲盜賊證備具賊止袍一裘一布二匹而裘故非實公委曲於典裘券冊內察得其情與證則皆平民或嘗爲竊者實非盜立釋之穎毫壽鳳等處俗悍多訟莠民傳邪教習拳勇以脅眾公悉擒治每決囚終日食爲之減視學廣西病瘍後體稍勞輒作使山西在途背生癰氣益耗歷官數省釐治煩劇心力日衰已復胃疾漸以不起嘉慶十七年八月十七日卒於官年五十三遺疏入

碑傳七十四

七

上諭安徽巡撫錢楷前在軍機章京上行走多年供職勤慎自簡任封圻歷更數省辦理地方公務均能安靜妥協茲因病溘逝伊本係孤子孀母程氏年逾七旬其嗣子僅止十歲深爲可憫著加恩照巡撫例賞給卹典該部察例具奏所有任內一切處分悉予開復欽此尋復諭祭賜全葬公奮自孤苦力學敦行每念

殊眷不恤勞瘁倬直機密筆不輟書退直讀史賦詩不自暇逸洩外職益勤案牘每吉旦焚香告天願賜豐歲若將降咎於民者甯降咎於某身祈晴祈雨皆應所至有秋生平無疾言遠色跬步不失矩矱款曲喻人不欲立崖岸意或不同但陳己見不輕斥人非行不效益自克事母至孝迎養慕若孺子著有綠天書舍詩集六卷善書兼工篆隸又能畫有家法無子以同祖弟械之子承志爲後女一德容

榮祿大夫振威將軍兵部尚書都察院右都御史閩浙總督董文恪公教增墓誌銘

湯藩

董公諱教增字益其又字觀橋江蘇上元人也曾祖諱志道祖諱法泰本生祖諱法建考諱以學三世以公貴並諸贈榮祿大夫振威將軍如公官公考用績學爲名諸生晚始得貢司訓贛榆位不稱德遺慶於公

生七歲能全誦五經十九補諸生爲少詹事錢公大昕所器重解釋漢書數十事錢公擯入史考異中乾隆四十五年

純皇帝南巡公獻詩賦

欽賜內閣中書五十二年成進士殿試一甲第三名授職翰林院編修公自爲諸生嚴正自守貴顯赫奕終歲不一履其門散館改主事補吏部考功司主事升文選司員外郎充順天鄉試同考官再擢郎中掌文選司印吏部則例繁擾人不能記憶公引某事宜用某條某條在某冊嫻熟極當得吏莫得舞其文嘉慶四年

睿皇帝初親大政用九卿薦發四川以道員用公至四川甫七日檄署鹽茶道事旋署提刑按察使川匪餘孽竄渡嘉陵江民逃難至成都議者謂流民入城慮雜奸宄將閉城令無入公曰成都民吾赤子也川西民獨非吾赤子乎急內之而日與諸僚分城巡緝逃者數萬皆獲生卒無他患補授提刑按察使眉保夷滋事食功者請進勦公曰兵凶戰危不可妄用密遣幹吏偵伺動靜僅擒夷民滋事者六人漢民挑釁激變者十一人論奏如法餘無所誅調貴州提刑按察使旋擢四川承宣布政使再擢安徽巡撫公在安徽熟悉其民多無情之訟又徽州伴僮

甯國世僕頻年相告許屈鬱者眾公奏請嚴杜妄訟凡世僕出戶已及百年者雖有據亦與開釋

上嘉之命纂入則例由是被許之戶得還爲良民者數以千百而爭訟之習爲之頓清調陝西巡撫陝自嘉慶紀元以來數經寇亂民氣殘毀公既至壹意撫民四五年間民以蘇息初公在安徽馭下頗嚴及至陝迺務行寬大人乃知公因地制宜寬猛相濟如此也再署陝甘總督旋調廣東巡撫當是時河南有滑縣之亂陝西提督楊公遇春帥師進剿公自蘭州啟行密念滑賊在圍勢已窮蹙而南山老林安定未久恐因勢轉相煽動請飭回遇春於陝西奏甫入而楊公已奉命赴陝聖算忠謀若合符契聞者以爲奇撫廣數年擢授閩浙總督會匪洋盜所至肅清而福清林爾高抗糧數十年羽翼環布吏莫敢誰何公立擒誅之姦黨遂散是事也爲消患於未萌

上尤善焉督閩數年嘗署浙江福建巡撫兩浙鹽政及織造關防一時兼緒五印人以爲榮然公勞劇病矣病稍愈奏請陞見會

睿皇帝上賓公入都哭臨哀毀復病今上皇帝特命歸鄉調治道光二年七月二十六日薨於上元里第年

七十三事聞

上軫悼賜祭葬及碑文諡曰文恪公自為諸生不恥疏敝當官守職獨  
潔敬慎事

上以誠接下以恕吏黜浮薄政務安靜不邀奇功亦不貽後悔

三聖相繼倚為重臣夫人蔡氏誥封一品夫人先公卒子三人長斯壽

一品蔭生次斯福湖南辰州府知府護理辰沅永靖兵備道次斯廣尚

幼以道光三年三月二十八日與蔡夫人合葬於聚寶門外之姚家山

銘曰

公在齟齬遭家弗恤母氏之喪泣求窀穸風嘯雲蒸為鯤與鵬居多士

上至乎大臣初官京師棘棘不阿貴勢所厭

皇心所嘉界之監司授以封圻公跡所屆

宜無憂思公去蠹賊怒如霆疾及蘇槁禾湛湛雨澤匪公異施惟民異

宜攻救殊藥公誠民鑿西赴汶水東漸閩海公無他功民畏民戴公旂

中央來遇故鄉楚人有言衣繡晝行衣繡晝行於公何榮公貴卅年公

猶諸生度今廊廟揆席方召重歸幾時白馬奉旄姚山之阿穹碑義義

鳳藻龍章鬼神護呵烝烝孝嗣斷石更誌揭此銘辭永昭後世

碑傳七十四

十三

09102

